



:: إهداء :: إليكِ أنتِ لأنك غالية

جمع وترتيب

د / مصطفى إبراهيم زايد



قائمة المحتويات

- لأنك غالية ٥ ♥
- هو الحب حرام؟؟ ١٥ ♥
- وعد العيون !! ٢١ ♥
- الحب وسنينه !! ٣١ ♥
- وقدرت تبعد؟؟ ٨٥ ♥
- علاقة بريئة !! ٩٧ ♥
- يعني إيه كلمة صحوية؟ ١٠٢ ♥
- الحب والفت !! ١٠٥ ♥
- إيه الحل؟؟ ١٤٥ ♥



دار النعيم

للنشر والتوزيع

٠٠٢٠١٠٣٤١٨٧٨٤



لأنك غالية

❁ عمرک حسيتي قبل کده انک غالية ؟؟؟؟؟؟؟
 وولو حسيتي الإحساس ده..يا ترى ليه حسيتي بيه ؟
 عارفة إنتي غالية ليه ؟؟؟؟؟؟؟ ← لأنک مسلمة ..
 عارفة يعنى إيه مسلمة ؟؟

﴿ مسالمة = ملكة ﴾

« أحد الإنجليز سأل واحد مسلم وقال له :
 ليه المرأة المسلمة مش بتسلم على الرجال كلهم ؟
 رد عليه المسلم وقال له : عندكم في بريطانيا ،
 هل مسموح لأي شخص إنه يسلم على الملكة ؟؟
 رد الإنجليزي وقال : لأ طبعاً مش مسموح..عندنا
 سبع أصناف بس من الناس يُجيز لهم القانون ده..
 رد المسلم وقال له : وإحنا عندنا أصناف محددة
 برده هما بس اللي يجوز لهم ذلك زي ما انتو
 بتعملوا ده علشان الملكة ، لان عندنا في الاسلام :

كل النساء ملكات



♥ إنتي غالية أوي عند النبي ﷺ ؛ لدرجة إنه يقول إن اللي هيموت وهو بيدافع عنك هيبقى شهيد ؛ (من قتل ذن أهله فهو شهيد) صححه الألباني

♥ إنتی غالية عند النبی ﷺ وعلشان كده قال :

(رفقاً بالقوارير) صححه الألباني

« شوقتي التشبيه الرابع ده من النبي ﷺ للنساء
بالقوارير في الرقة والطيبة والشفافية والعاطفة ،
ووصيته للرجال باللفظ بيكي وعدم جرحهم ليكي



﴿إِنِّي غَالِيَةٌ لِّلرَّجُلَةِ إِن رَّبَّنَا يَقُولُ :
(يَهَبْ لِمَن يَشَاءُ إِنشَاءً وَيَهَبْ لِمَن يَشَاءُ الذُّكُورَ)
الوهب يعني العطاء .. وربنا ذكرك قبل الرجال في
الوهب ، وده تكريم ليكي وإعلاء من شأنك ..

❶ إنتي غالبية أوووووووي عند النبي ﷺ ؛
لدرجة إنه يخوض معركة وغزوة مع اليهود
تسبيل فيها دماء المسلمين علشان واحد يهودي
راود امرأة مسلمة انها تكشف وجهها !!

❶ إنتي غالبية أوي عند النبي ﷺ ؛ لدرجة إنه ﷺ بيوصي بيكي في حجة الوداع قبل ما يموت ويقول : (استوصوا بالنساء خيراً) حسنه الألباني

وأيضاً عليه السلام بيّني في حديث آخر ويقول :
(إن الله يوصيكم بالنساء خيراً ، إن الله يوصيكم
بالنساء خيراً ، فإنهن أمهاتكم وبناتكم وخالاتكم)



﴿ تعالي نشوف بعض الأقوال عن المرأة في الأزمنة السابقة :

١- عند الإغريقين قالوا عنها :

شجرة مسمومة ، وقالوا هي رجس من عمل الشيطان ، وتباع كأي سلعة متاع !

٢- وعند الرومان قالوا عنها :

ليس لها روح ، وكان من صور عذابها أن يُصب عليها الزيت الحار ، وتسحب بالخيول حتى الموت !

٣- وعند الصينيين قالوا عنها :

مياه مؤلمة تغسل السعادة ، وللصيني الحق أن يدفن زوجته حية ، وإذا مات حق لأهله أن يرثوه فيها !

٤- وعند الهنود قالوا عنها :

ليس الموت والجحيم والسم والأفاعي والنار ، أسوأ من المرأة !! بل وليس للمرأة الحق عند الهنود أن تعيش بعد ممات زوجها ، بل يجب أن تحرق معه !

٥- وعند الفرس :

أباحوا الزواج من المحارم دون إستثناء ، ويجوز للفارسي أن يحكم على زوجته بالموت !



﴿ إنتي غالية أوي ، وعلشان كده الإسلام كرمك كـ " بنت " وكـ " زوجة " وكـ " أم " ..

♥ الإسلام كرمك كـ " بنت " لدرجة إن النبي ﷺ يقول : (من كان له أختان أو ابنتان ، فأحسن إليهما ما صحبتاه ، كنت أنا وهو في الجنة كهاتين ، و قرن بين أصبعيه) صححه الألباني
اللي هيحسن معاملتك هيقي مع النبي في الجنة !

♥ الإسلام كرمك كـ " زوجة " وأوجب على زوجك الإنفاق عليكى وأمره بحسن عشرتك ، قال الله تعالى : (وَعَاشِرُوهُنَّ بِالْمَعْرُوفِ) النساء: ١٩

وقال ﷺ : (خياركم خياركم لنسائهم) صححه الألباني

♥ الإسلام كرمك كـ " أم " لدرجة إن النبي ﷺ يوصي بيكي ويقول : (أمك ثم أمك ثم أمك) !!

♥ الإسلام كرمك كـ " أم " لدرجة إن النبي ﷺ يقول : (إزم رجلها فثم الجنة) صححه الألباني
« الجنة تحت رجلتي ! فيه تكريم أكثر من كده ؟!



﴿ وبعد ما شوفتي الكلام الشنييع اللي فات ده ، وشوفتي تكريم الإسلام ليكي يا غالية ، يا ترى ..

حسيتي بقيمتك كـ " مُسلمة " ولا لسه ؟



✓ إنتي جوهرة غالية .. وعلشان كده ربنا أمرك بالحجاب والستر علشان يحفظك ويصونك ..

✓ إنتي لؤلؤة جميلة .. وعلشان كده ربنا أمرك بعدم الخضوع في القول وعدم الكلام مع الرجال إلا للضرورة علشان تفضلي غالية ..

« في بلاد الغرب وأوربا ، المرأة عندهم سلعة رخيصة أوي .. قيمتها في العري والشهوة وبس ! وإنتي بعد كل التكريم ده .. ليه رصيتي تبقي سلعة مكشوفة الكل يبيع فيها ويشترى !

« ليه بترخصي نفسك يا أختي ؟؟؟؟

ايه اللي يستاهل علشان تعملي كده ؟؟؟؟



٦- وعند اليهود قالوا عنها :

أنها لعنة لأنها سبب الغواية ، ويجوز لأبيها بيعها !

٧- وعند النصارى :

عقد الفرنسيون في عام ٥٨٦م مؤتمراً يبحثوا فيه : هل تعد المرأة إنساناً أم غير إنسان؟! وهل لها روح أم ليست لها روح؟! وإذا كانت لها روح ، فهل هي روح حيوانية أم روح إنسانية؟؟! وأخيراً : قرروا أنها إنسان ، ولكنها خلقت لخدمة الرجل فحسب ! وأصدر البرلمان الإنجليزي قراراً في عصر هنري الثامن ملك إنجلترا يحظر على المرأة أن تقرأ الإنجيل ؛ لأنها تعتبر نجسة ! وعند ولادة المرأة تقول الكنيسة دعهن يتألمن وهيا نساعد الرب فى الإنتقام منهن !!

٨- وعند العرب قبل الإسلام :

كانوا يكهون المرأة مثل كره الموت ، بل يؤدي الحال إلى وأدأها أي دفنها حية ، أو قذفها في بئر بصورة تذيب القلوب الميتة !!




«أنا إنهاردة هكلمك عن موضوع ثاني ،
يهم كل بنت صغيرة أو كبيرة ؛ هتكلم معاكم عن:

♥ :: الحب :: ♥

« هنتكلم على أساس ديني وعقلي .. وهنحكي
قصص واقعية .. هنتكلم بكل هدوء ، وهنحاول نرد
على معظم الأسئلة اللي بتدور في تفكير البنات
واللي بتجيلي من خلال الإتصالات أو على النت..

وهنحاول نفهمها ✓ علشان نعيشها ✓ ..



هو ده شكر ربنا على نعمة الإسلام؟؟؟

➔ شكر النعمة إنك تمشي على الموضة وتخرجي
بلبس ضيق وترجعي تقولي أنا بحب ربنا ؟؟؟!!!!
➔ شكر النعمة إنك تكلمي ده وتخرجي مع ده
وتتصاحبي مع ده وتقولي أنا محترمة ؟؟؟!!!!
➔ شكر النعمة إنك تفرطي في الصلاة وتهجري
القرآن وتبعدي عن سنة حبيبك النبي ﷺ ؟؟؟!!!!

بالله عليكم فوقي بقى يا مسلمة يا غالية

► فين حجابك الصبح اللي ربنا أمرك بيه وأكرمك
بأنه جعله فرض عليكم ؟؟؟ الحجاب اللي يستر
بجد مش يزين البنت أكثر في عيون الشباب !!!
أنا مش هتطرق للكلام عن الحجاب لأنني اتكلمت
عنه باستفاضة في كتاب (للبنات وبس) وعرفتكم
قد إيه خطورة اللبس اللي إنتي مستهترة بيه
وبتقولي أنا حرة ألبس زي ما أنا عايزة ومحدش له
دعوة بيا!! ووضحتك يعني إيه الكاسيات العاريات
اللي لبسها ضيق (بناطيل وبديها وفيسسات
وجينز) مبين جسمها كله ؛ فكأنها مش لابسة !!
والنبي ﷺ قال على البنات دول إنهم "ملعنات" !



► هتقولي:

هو فيه حب حلال و حب حرام ؟؟؟؟

« هقولك :

آه طبعاً .. فيه حب حلال و حب حرام ..

« الحب الحلال زي أعظم حب في الوجود ؛
حب الله ، ربنا حبيبنا اللي خلقنا وأنعم علينا بنعم
ملهاش عدد ولا حصر .. وكذلك حب النبي ﷺ ..
اللي ربنا أرسله رحمة لنا علشان ينقذنا من النار
ويكون شفيعنا يوم الدين ..

♥ ومن صور الحب الحلال أيضاً : حب الزوج
لزوجته ، وحب الزوجة لزوجها ، وحب الابن لأمه
وأبوه ، وحب المسلم لأخوه المسلم ، والمسلمة
لأختها المسلمة ، وحب الصالحين والأخيار ..

✓ كل ده حب حلال .. والإنسان لو طبّقه وأخذ فيه
النية ؛ هياخد عليه ثواب كبير جداً بإذن الله ..



هو الحب حرام ؟؟

« أول ما تقعد في أي مكان وتيجي سيرة الحب ؛
تلاقي الشباب كلهم يبسألوا:

هو الحب حرام ؟؟؟؟؟

وتلاقي بنت بتسأل وتقول:

أنا سمعت إن الحب في الإسلام جريمة !!

هل الكلام ده صح ؟؟؟؟!

هقولك يا أختي :

مين قال كده ؟ مين قال إن الإسلام بيجرّم الحب ؟؟
بالعكس تماماً .. ده اللي الكل لازم يعرفه إن :

♥ الإسلام دين الحب ♥

بس الحب الحلال حلال .. والحب الحرام حرام !





► عن أنس ؓ أن رجلاً سأل النبي ﷺ :
متى الساعة ؟ قال ﷺ : وما أعددت لها ؟؟
قال الرجل : لا شيء ؛ إلا أني أحب الله ورسوله !
قال ﷺ : **أنت مع من أحببت** ، قال أنس راوي
الحديث : فما فرحنا بشيء فرحنا بقول النبي ﷺ
أنت مع من أحببت ، فأنا أحب النبي ﷺ وأبا بكر
وعمر وأرجو أن أكون معهم بحبي إياهم (متفق عليه)
♥ ده إيه العظمة دي كلها !! سبحان الله ..
الحب الحلال في الإسلام حاجة فوق الوصف بجدا!



► **هتقولي :**

جميل جداً.. ده الحب الحلال وعرفناه ..

إيه هو بقى الحب الحرام ؟؟؟؟؟

❖ **هقولك :**

الحب الحرام هو الحب القائم على علاقات غير
شرعية ، زي الحب اللي بنشوفه دلوقتي بين
الشباب والبنات في المدارس والجامعات وعلى
النت ، بدون أي علاقة شرعية !



«بل منزلة الحب في الإسلام وصلت لدرجة إن
النبي ﷺ قال إننا مش هندخل الجنة غير لما نحب
بعض .. قال ﷺ :

(والذي نفسي بيده لا تدخلوا الجنة حتى تؤمنوا
ولا تؤمنوا حتى تحابوا) رواه مسلم

«بل الأعجب من كده إن النبي ﷺ أخبرنا إن
الإنسان هيتحشر يوم القيامة مع اللي بيحبه فقال :
(المرء مع من **أحب** يوم القيامة) حسنة الألباني

**اللي يحب المغنيين والممثلين هيتحشر معاهم !
واللي يحب الأتقياء والصالحين هيتحشر معاهم !**

► **هتقولي :**

**طيب إفرض إنه ماعملش أعمال صالحة
تبلفه منزلة إنه يكون مع الصالحين ؟؟**

❖ **هقولك :**

برده هيبكون معاهم ولو أعماله كانت بسيطة ! وده
بفضل ربنا ورحمته وكرمه .. شوفي الحديث ده ◀



❖ **وقبل ما أكمل كلامي .. أنا عايزك وإنتي
بتقرأ الكتاب ده تركني قلبك على جنب شوية ،**

وتبدأي تفكري بعقلك ولو مرة !

◀ إنتي ممكن تكوني قرأتي كتير قبل كده ،
وعارفة إن علاقتك مع اللي بتحبيه حرام ،
وهتقولي أنا عارفة الكلام اللي هتقوله كويس ؛
بس أنا برجوكي وبستحلفك بالله تكلمي قراءة ،
وتفكري في الكلام كويس وتقليه في دماغك ..
وإن شاء الله يكون الكتاب ده سبب في تغير
مجرى حياتك للأحسن بإذن الله ..



► **هتقولي :**

**يعني كل الشباب والبنات اللي بنشوفهم
بيحبوا بعض دول حبهم حرام وعليه ذنوب ؟**

❖ **هقولك :**

آه حرامم .. والمسألة مفیهاش خلاف !

✕ ولأسف الشديد ؛ الشباب والبنات عمالين
يضيعوا في عمرهم ويعصوا ربنا باسم "الحب" !

«أنا مقتدر كويس وعارف قد إيه الشباب والبنات
دول متعلقين ببعض ، وعارف إن الموضوع
صعب..والفراق أصعب ! وخصوصاً على البنات ،
الطرف الرقيق اللي بينجرح بسهولة جداً ..
واللي في كل الحالات بتبقى هي **الخاسر الوحيد !!**
علشان كده كان لازم نتكلم ونوعي البنات ونفوقهم
قبل فوات الأوان ! **قبل ما يخسروا كل شيء !!**





► وبنت تانية بتقول :

أنا عندي مشكلة وعاززة أعرف رأيكم ، أنا فيه واحد معايا في الشغل لاحظت نظراته ليا ، وغصب عني بدأت أنا كمان أبادلله النظرات ، وبدأت أفكر فيه وأتشد ليه وأحس إنني بحبه ! أنا تعبانة جداً ومش عارفة أعمل إيه؟؟؟؟؟؟



تعددت الأسئلة والحكايات ،

والمشكلة واحدة !!

والسؤال هو :

يا ترى فعلاً فيه حاجة اسمها حب من أول نظرة ؟

هقولك :

مفيش حاجة اسمها حب من أول نظرة !



وعد العيون (الحب من أول نظرة)

سمعنا كتير وقرينا كتير عن الحب من أول نظرة ، ومشاكل كتير بتجيلنا عن الموضوع ده ؛ ومنها :

► بنت بتسأل وتقول :

أنا كنت فاكدة إن مفيش حاجة اسمها حب ؛ لغاية ما في يوم قابلت واحد، وف ثانية واحدة حالي إتغير! شوفته ومش عارفة إيه اللي حصل لي؟؟؟؟ قلبي قعد يدق يدق جامد .. وحسيت إن هو ده الشخص المناسب ليا .. حسيت إنني أعرفه من زمان جداً جداً مناسب إنه مش مجرد إعجاب عادي و خلاص .. أنا مش عارفة هو بيبادلني نفس الشعور ولا لا ؟؟ وخايفة أروح أصارحه بشعوري لأحسن أخسره ! و في نفس الوقت نفسى أروح اقله إنني بحبه ؟؟ أنا تعبت من التفكير! هل أنا عايشة في وهم ؟؟ ولا فعلاً الحب من أول نظرة حاجة حقيقية ؟؟



◀ شوفي الكلام ده :

[أكد فريق من الباحثين في جامعة فلوريدا الأميركية في أول تفسير علمي لظاهرة الإعجاب المفاجئ، أن هناك أشخاصا يتمتعون بجاذبية الوجوه والأشكال، بحيث يشدون أنظار الناس اليهم ويقعون في حبهم من أول نظرة .

وقد أرجع جون مينر الأستاذ المساعد في علم النفس في الجامعة - الذي أشرف على الدراسة المنشورة في مجلة Journal of Personality and Social Psychology السبب وراء هذا الإعجاب المفاجئ إلى أن هذا الأمر أشبه بجذب مغناطيسي إلا أنه يتم على المستوى البصري فقط !

كما شرح مينر أن الإعجاب يأتي على رأس قائمة التغيرات الكثيرة التي تطرأ على حياة الناس دون أن يشعروا بها ويسعون جاهدين لإيجاد التفسير العلمي الصحيح لها ، ومن بينها ما يعرف بالحب من أول نظرة . وتأتي هذه الحالة عادة عندما تقع العين على شخص ما ، فيعجب بإحدى صفاته [.



► وطبعاً هتردي عليا وتقولى :

إنت إزاي تقول كده؟ إنت إنسان عديم المشاعر ! إنت تفهم إيه في الحب علشان تحكم بالشكل ده ؟؟؟!!! إنت لو جربت يعني إيه حب من أول نظرة ، مكنتش قولت الكلام ده ...!!!

◀ هقولك يا أختى :

ده مش كلامي أنا بس ؛ ده كلام خبراء علماء النفس والأساتذة الدكاترة العرب والأجانب كمان !

علماء النفس يقولوا إن الحب من أول نظرة ده عبارة عن إحساس سريع عند الإنسان بالإنجذاب لشخص معين لم يسبق له لقاءه .. يعني الموضوع عبارة عن إعجاب من أحد الطرفين أو كلاهما ، وإنجذابه له بشكل غير طبيعي نتيجة إعجابه بأحد صفاته ؛ زي المظهر ، القوام ، ملامح الوجه ، إبتسامته ، نظراته ، لون عينيه ، طريقة كلامه ، تصرفاته .. وهكذا ..





طيب الحل إيه ؟؟؟؟؟؟؟؟؟؟؟؟؟؟؟

الحل إنك بعد ما عرفت حقيقة الحب من أول نظرة ؛ لا تلتزم تفوقك من الكابوس اللي إنتي معيشة نفسك فيه ، كفاية تعذيب في نفسك !

لحد امتی ہتفضلی معلقة قلبك بيه ؟؟

لحد امتی ہتفضلے تبصیلہ ویبصک !!!

ليه مش عايزة نلتزمي بأمر ربنا اللي أمرنا

جميعاً ولاد وبنات بغض البصر..

قال تعالى :

(قُلْ لِلْمُؤْمِنِينَ يَغُضُّوا مِنْ أَبْصَارِهِمْ وَيَحْفَظُوا فُرُوجَهُمْ ذَلِكَ أَزْكَى لَهُمْ إِنَّ اللَّهَ خَبِيرٌ بِمَا يَصْنَعُونَ ﴿٢٤﴾ وَقُلْ لِلْمُؤْمِنَاتِ يَغْضُضْنَ مِنْ أَبْصَارِهِنَّ وَيَحْفَظْنَ فُرُوجَهُنَّ وَلَا يُبْدِينَ زِينَتَهُنَّ إِلَّا مَا ظَهَرَ مِنْهَا) النور: ٣٠-٣١



الحب وسنينه !!

♥ الشباب والبنات اليومين دول بقوا ماشيين في الشوارع وقاعدين على النت يجبوا على نفسيهم ! والدني بقت وردى x وردى ، وبقت القلوب فى كل مكان ، على الكشاكيل والميداليات والكروت والشنط والسلاسل !!.. وكلمة "حبك" بقت على لسان كل شاب وكل بنت!

« ومش محتاج أوصفاكم المناظر اللي بنشوفها
 قدامنا في كل مكان ، ادخل أي كلية أو اقف قدام
 أي مدرسة أو روح اقعد في أي جنيينة أو اتمشى
 شوية على الكورنيش ، وإنت تلاقي (الحبيبة)
 اللي بيسموهم (couples) في كل مكان دلوقتى !

► **الموضوع إنتشر** بين الأولاد والبنات بشكل رهيب ، ونادراً ما تلاقي بنت أو ولد دلوقتي مش عايشين الدور في قصة حب !

« وإنتي لو بتغضي بصرك من الأول مكنش المشكلة اتوجدت من الأصل ومكنش قلبك اتعلق بيه .. وعلشان كده غض البصر أهم حل لمنع وعلاج مشكلة الحب من اول نظرة !!

« ولو متعلقة بيه ومش قادرة تنسيه ،
 إن شاء الله في آخر الكتاب هنقول الخطوات
 العملية للنسيان والتغلب على مشاكل الحب ..



► وتلاقي البنات في المدارس بيتفاخروا إن البنت فلانة بتحب فلان وفلانة دي حبيبها فلان ، وكل واحدة عابزة توري حبيبها لصاحباتها وتغضهم !!

❖ وفي الجامعة تلاقي البنات يقولوا فلانة معلقة فلان ، والولد ده بتاع فلانة ! وفلانة لازقة لفلان على طول ! وفلان وفلانة لايقين على بعض..إلخ!

☒ والبنات دلوقتي بقوا على إعتقاد إن البنت اللي ملهاش حبيب تبقى :

معقدة و متخلفة و مكبوتة
أو فيها عيب ومحدث راضى يبصلها !!

«لدرجة إن أي بنت محترمة وصائنة نفسها ومش
عايزة تغضب ربها ، بقت تايها من اللي بتشوفه
ويتسمعه ، ومش عارفة هي صح ولا غلط ؟؟؟»





سبحان الله !!

إحنا بقينا في زمن إنتكاس الفطرة خلاص..!!

✕ **إنتكاس الفطرة ..** لما تلاقي الأب شايف بنته ماشية مع فلان ويتخرج مع فلان ويتكلم فلان وهو اللي بيديها المصروف وهي خارجة !!!!

✕ **إنتكاس الفطرة ..** لما تلاقي الأخ هو اللي بيعرف أخته على أصحابه الولاد ويسمحلها إنها تكلم ده وتهزر مع ده وتشيت مع ده !!!

✕ **إنتكاس الفطرة ..** لما تلاقي الأم هي اللي بنقول للبننت لازم تصاحبني وتحبي علشان تعلقي عريس في زمن العنوسة وإلا مش هتجوزي !!!!

✕ **حاجة صعبة جدا.....** ... ولكنها أصبحت في نظر الناس هينة والأمر أصبح عادي جدا..... .. وخليك "كووول" ومتعدهاش بقى يا عم الحاج !



✎ لو جينا نبص للموضوع من كذا جانب ..

وهنتكلم الأول عن الأسباب :

« وزي ما قولنا قبل كده إن ربنا خلقنا على وجود ميل فطري طبيعي بين الولد والبنت .. مع وجود الإعلام الفاسد اللي مش وراه غير قصص الحب في الأفلام والمسلسلات والأغاني اللي الشباب والبنات حفظوها زي اسمهم خلاص !!

« مع وجود الفراغ العاطفي والفكري الرهيب عند الشباب والبنات ، مع الإهمال الشديد من الأهل في رعاية الأبناء وعدم إحتوائهم والسماع لمشاكلهم والإحساس بهم ..

« بل الإهمال والتساهل ده بيوصل لمرحلة إن بعض الآباء والأمهات هما اللي بيشجعوا الولاد والبنات على العلاقات دي !!!!



► **وبنات تقول :**

**أنا بحبه حب غير عادي وهو كمان ييموت فيا
إحنا حبنا غير أي حب تاني !!**

« وهي دي الكلمة اللي بيتغيط الواحد أوووي ..

(حبنا غير أي حب تاني)

➤ يعني إيه حكيم غير أي حب تاني ؟؟؟؟؟؟

حب جاي من المريخ يعني ؟؟؟

يعني إيه الكلمة دي ؟؟ عايزك ترددي عليها ؟؟؟؟

► **هتقولي :**

مش عارفة .. بس ده إحساس .. !! وأنا إحساسي مبيخبيش أبداً !!! وإحنا بنحب بعض بجد ؛ الحب الحقيقي اللي هو بيعيش يا حبيبي ! وهو واعدي بالجواز وإننا مش هنفترق أبداً مهما حصل ! وأنا بحس وأنا قاعدة مع حبيبي إني في دنيا تانية !! أنا مش بقدر على فراقه ولو لثانية واحدة !! أنا حياتي من غيره ملهاش طعم !!



« وجود الأسباب دي وغيرها في حياة أي بنت مع نقص الإيمان والدين لازم يدفعها إنها تدخل في علاقة أو علاقات مع الشباب وتحب وتخرج وتقابل...!!

✎ ولما تيجي تسألها :

يا بنتي ليه بتعملي كده في نفسك ؟؟

ليه ترخصي نفسك للدرجة دي ؟؟؟

► **تقولك :**

ما هو كل البنات بتحب .. إشمعني أنا ؟؟؟





هقولك :

وهو إنتى عارفة يعنى إيه حب الأول؟؟

عَلشان تحکمی اِن ده حب حقیقی والکلام ده کله ؟؟

❌ هو الحب إنه يقعد بالـ ٥ والـ ٦ ساعات يقولك كلام حلو يخليكي طائيرة في السما؟؟؟

❌ هو الحب إنكم تخرجوا مع بعض ويمسك إيدك وتدخلوا سينما وتمشوا على الكورنيش؟؟؟

❌ هو الحب إنه يجيبك قلب أحمر و دبدوب أحمر
وبوكيه ورد أحمر يوم الفالنتين ???

❑ هو الحب إنه يرنك ٦٠ مرة في الدقيقة
ومينامش قبل ما يسمع صوتك وأول ما يصحى
يبعتك مسدج يقولك صباح الفل يا روحى !

◀ هو ده الحب ؟؟؟؟؟؟



« لو بیخاف علیکی بجد ..

كان على الأقل خاف عليكي

زی ما بیخاف علی اُخته !!!

- **أصل حبيبك ده** لو شاف أخته بتكلم ولد أو ماشية مع ولد ممكن يقتلها ! ومع ذلك بيكلمك ويخرج معاكى ويبطال منك إنه يلمسك و.....!

أحد زمائلنا بيحكي ويقول :

كان فيه شاب قاعد مع بنت في الكلية .. وطبعاً
كانوا قاعدين وعاشيين الدور .. وعدت دكتورة
جامعة من قدامهم ... فنظرت لهم الدكتورة ..
ووقفت قدامهم ، وقالت للشباب :

أستحلفك بالله ، لو البنت دي أختك .. ترضى إنك
تشوفها قاعدة القاعدة دي مع أي ولد ؟؟؟؟

الشباب اتخذ من السؤال وبدأ يفكر فيقول إيه ؟؟
والبنيت اللي معاه قاعدة منتظرة إنه يرد على
الذكورة ويثار لكرامتها ويبينلها صدق حبه لها ،

◀ رد الشاب وقال للدكتورة بكل ثقة ووضوح :

◀ طبعاً لا.. بكل صراحة مرضاش إن أختي

تكون في الموقف ده !

◀ هو ده الحب في نظرك؟؟؟

🗣️ معك الله، وصلك المعنى ده ؟؟؟؟

❖ الأفلام والمسلسلات والأغاني وقصص الحب
وروايات الغرام ???

هو كلام الأفلام والمسلسلات والأغاني كلام
مقدس بناخذ منه أحكامنا ونبنئ عليه حياتنا!!!!

➡ فووووووووقی بقی !!..

ده لوييځك بچد كان خاف عليكي !

► هتقولى :

ده بيخاف عليا من النسمة الطيارة !!!

هقولك :

کذب × کذب و تمثيل × تمثيل !


لو يبخاف عليكي بجد كان خاف عليكي من نار جهنم التي يمحطك فيها بإيديه بكل مكالمة بيلكمها لك ، وكل وقفة بيقف فيها معاكي ، وكل مرة يمسك فيها إيدك !

٢ يا انا لو تخطيوا احساس البنت في الموقف ده !!

«إحساس فظيع بالمرارة.. إحساس إنها لا شيء ولا تساوى أي شيء عند أقرب الناس إليها .. عند الشاب اللي كانت مفكرة إنها كل حياته وإنه كل حياتها !!! إحساس بانها رخييييصة أووووي !! ونظرة الدكتوراة ليها خليتها تشعر بأن مفيش شئ فى الدنيا يستاهل .. ليه تعلمي كده فى نفسك؟؟!

« في اللحظة دي .. البنت اتجرحت جرح صعب انه يلتئم ، وبصت لحبيبها وقالتله :

**إنت متعرّش أنا بستحقّر نفسي إزاي دلوقتي !!
وساتته ومشيت !**





➡ بعد ده كله لسه هتقولي برده بحبه ؟؟

« طيب هسالك شوية أسئلة وعاليز إجابة صريحة منك :

« يا ترى لو النبي ﷺ دخل عليكي وإنتي بتكلميه، هترضي تكلمي كلامك معاه وتقولي للنبي بكل فخر ده حبيبي يا رسول الله مش حد غريب ؟؟

« يا ترى لو النبي ﷺ شافك وإنتي واقفه معاه هتجري عليه وتقوليله يا رسول الله تعالى أما أعرفك على الشاب اللي أنا بحبه ؟؟

« يا ترى كل كلمة بتقوليهاله وكل نظرة بتنظرها له بيكتبها ملك الحسنات ولا ملك السيئات ؟؟

« يا ترى لو ملك الموت قبض روحك وإنتي قاعدة معاه أو بتكلميه في التلفون أو على النت ، يا ترى دي هتكون حسن خاتمة ولا سوء خاتمة ؟

؟؟؟؟؟؟؟؟؟؟؟؟؟؟؟؟؟؟؟؟؟؟

لسه برده مش عايزه تسبيبه ؟؟



« يا أختي .. والله العظيم الشاب اللي إنتي بتحبيه ده وفكره إنه بيحبك ومستعد يضحي بالدنيا علشانك هيتبرأ منك ويهرب منك يوم القيامة !!!

قال الله تعالى :

(إِذْ تَبَرَّأَ الَّذِينَ اتَّبَعُوا مِنَ الَّذِينَ اتَّبَعُوا
وَرَأَوْا الْعَذَابَ وَتَقَطَّعَتْ بِهِمُ الْأَسْبَابُ)

البقرة: ١٦٦

➡ اللي بتحبيه ده هتتحايلى عليه يديكي حسنة واحدة يوم القيامة مش هيرضى !
هتتحايلى عليه يشيل عنك سينة مش هيرضى !
⊠ راح فين الحب اللي بينكم ؟؟



« خلي بالك ..

➡ إنتي كده لو بتصلي وبتصومي وبتتصدقني ولكن بتكلميه من ورا الناس ، بتعرضي نفسك إن حسناتك كلها تنتسف يوم القيامة ويبقى :

رصيذك من الحسنات = صفر

« عن ثوبان رضي الله عنه عن النبي ﷺ أنه قال: [لأعلمن أقواماً من أمتي يأتون يوم القيامة بأعمال أمثال جبال تهامة بيضاء ، فيجعلها الله هباءً منثوراً ، قال ثوبان يا رسول الله : صفهم لنا حتى لا نكون منهم ونحن لا نعلم ؟ قال ﷺ : أما إنهم إخوانكم ومن جلدتكم ، يأخذون من الليل كما تأخذون ؛ ولكنهم قوم إذا خلوا بمحارم الله إنتهكوها]

مسند الأئمة

« إنتي عارفة الكلام ده يعنى إيه ؟؟



« مش لما بتكلميه بتبقى موطية صوتك وخايفة لاحسن حد يسمعك ؟؟؟

« مش لما بتيجي تنزلي تقابليه بتبقي بتستخبي لاحسن حد يشوفك من أهلك أو قرايبك ؟؟؟

➡ يعنى إنتي كده من اللي ربنا قال عنهم :

(يَسْتَخْفُونَ مِنَ النَّاسِ وَلَا يَسْتَخْفُونَ مِنَ اللَّهِ وَهُوَ مَعَهُمْ إِذْ يُبَيِّتُونَ مَا لَا يَرْضَىٰ مِنَ الْقَوْلِ وَكَانَ اللَّهُ بِمَا يَعْمَلُونَ خَبِيرًا)

النساء: ١٠٨

➡ بنخافي من الناس ونستخفي منهم ،

و ربنا أحق إنك تخافي منه وتلقيه وتخشيه !

« صحيح محدش شافك ؛ بس ربنا هو الخير البصير ..

« صحيح محدش سامعك ؛ لكن ربنا هو السميع العليم ..



► هتقولى :

**بس إحنا والله كلامنا كله محترم
وعمرنا ما اتكلمنا في حاجة خارجة أبدًا!!!!!!**

► هقولك :

حتى لو بنتكلموا في السياسة .. حتى لو بنتكلموا
في الكورة ؛ أي كلام بينكم **حرًا! شرعًا!**

► **وعلى فكرة ..** النقطة دي من أكبر المداخل
اللي الشيطان بيدخل للبنات منها .. والكلام في
الأول ببدا محترم .. وممكن يفضل محترم سنين..

► **بس لازم هيجي اليوم وهيتطور!!!**



► **وتعالى شوفي الحديث ده كمان علشان تعرفي
قلبك أبيض ولا لونه إيه بالظبط؟؟**

«قال رسول الله ﷺ: (تعرض الفتن على القلوب
كعرض الحصير عوداً عوداً ، فأى قلب أشربها
نكتت فيه **نكتة سوداء**، وأى قلب أنكرها نكتت فيه
نكتة بيضاء؛ حتى يصير القلب أبيض مثل الصفا لا
تضره فتنة ما دامت السموات والأرض ، والآخر
أسوداً مريداً كالكوز مجخياً لا يعرف معروفاً ولا
يُنكر منكراً إلا ما أشرب من هواه) صححه الألباني
مريداً : يعني بياض قد خالطه سواد ..
مجخياً : يعني مقلوباً منكوساً..

« **يعني إيه الكلام اللي في الحديث ده؟؟؟**

« يعني كل كلمة بينك وبينك الشاب اللي بتحبينه
نقطة سودا على قلبك .. كل نظرة بينكم نقطة
سودا على قلبك .. كل (ميسد) .. كل (مسدج) ..
كل مسكة إيد .. كل ده **نقط سودا على قلبك** ..

► **يا نرى قلبك بقى شكله عامل إزاي**

دلوقتي بعد كل السواد ده ؟؟؟



► هتقولى :

**بس أنا عايزة أتجوز واحد أكون بحبه
ويحبني .. مش عايزة أتجوز جواز تقليدي!!!**

► هقولك :

الحب والزواج المفروض إنهم وجهين لعملة واحدة
لكن حالياً بقوا في ذهن الناس حاجتين متناقضتين !
وتقسيمه الجواز المشهورة جواز تقليدي وجواز
عن حب ؛ **التقسيمه دي نفسها غلط !**

الزواج التقليدي اسمه الحقيقي (الزواج الشرعي)
والتسمية بالصالونات والتقليدي من باب التنفير !!
وبما إنه بيتحط ضد الجواز اللي عن حب ؛ فاللي
بيجي في دماغ الناس إن ده أكيد جواز عن كره !!

► **مين قال كده؟؟؟**

« ده على إعتبار إن اللي متعرفش اللي هتتجوزه
قبل الجواز ويكون في بينهم علاقة هيبقى جوازها
تعيس ومفيهوش حب !!!



► هتقولى :

**بس أنا أعرف بنات لابسين خمار وإسدال
ومنتقبات ويكلموا ولاد ويخرجوا معاهم !**

► هقولك :

وايه يعني ؟؟؟ الأشخاص مش حجة على الدين !

الدين هو اللي حجة على الأشخاص !

☒ هو أنا لو لقيت واحد شيخ بيشر ب خمر ، معنى
ده إنني أروح أشرب أنا كمان ؟؟؟؟!!





ہیفکر فیکس؟؟؟

၀၆



« أرقام مخيبييفة ومرعبة.. ولو هنشوف كثير من الحالات دي ؛ هنلاقي معظمهم بييقوا واخدين بعض عن حب ..!!!!!!»

سنة أو حتى كام شهر؟؟؟

وبرده لسه فيه بنات مش عاوزة تصدق!!

« **هناقي في الحالة الأولى اللي ببسموها الجواز التقليدي :** مبيدخلش البيت إلا شخص متوفر فيه الشروط الأساسية اللي البنات ممكن تقبل بيها ، يعنى بتبقى عارفة المستوى الإجتماعى والتعليمى ووظيفته وسنه ، ويبيجي وبتتم الرؤية.. ولو حصل قبول شكلاً وموضوعاً من حيث أسلوب الكلام والتفكير وغيره والأهل إتفقوا .. بتتم فترة تعارف أو خطوبة عشان يعرفوا بعض أكثر ، ووده ميمنعش إنه يحصل ميل قلبي بدون تجاوزات، وبعدها عقد ويكون فى متسع للمشاعر والحب ..



► **هتقولي :**

بس أنا بتضايق وبحس في موضوع الجواز التقليدي ده إني سلعة !

❖ **هقولك :**

غريب جداً!!!!!!!!!!!!!!!!!!!!!!!!!!!!!! التفكير ده !

❖ **هي مين اللي سلعة ؟؟؟؟**

◀ البننت اللي بتطيع ربها وقاعدة معززة مكرمة في بيتها واللي عايزها يجيلها لحد عندها ومتدخلش أي حد إلا بمواصفات ولو رضيت بيه وافقت ، ولو مرضيتش رفضت ؟؟؟؟؟؟؟؟؟!!!!!!

◀ ولا البننت اللي بترخص نفسها لده مرة ولده مرة وتفطر في مشاعرها وبتقبل تحب وتتكلم وتخرج وتتلمس ؟؟؟؟؟؟؟؟؟!!!!!!

❖ **للأسف : المشكلة إننا إتبرمجنا غلط !!!**

وبقيننا بنقتنع بكل الأراء إلا الدين !!!

- وهنلاقي ده عامل مشترك في كل المشاكل !
فمن كتر ما الإعلام والأغاني والقصص إتكلمت عن الحب والجواز ، إتبرمجنا بمعلومات غلط !!



◀ لو تاملنا في الجواز اللي بيسموه تقليدي اللي هو بيتم في حدود الشرع وبدون ما نغضب ربنا ؛
هنلاقية بيحافظ على قلب البننت أكثر ..

❖ كام مشكلة حصلت لإن البننت اكتشفت إن الشخص اللي اتعلقت بيه مرتبط ! أو مستواه البيت بتاعها هيرفضه ، أو أفكاره طلعت مش ماشية معاها ، أو تحصل مشكلة ويسيبوا بعض لأى سبب أو حتى إتقدم لكن الأهل موافقوش أو حصل إختلاف فى الماديات ، أو..... أو

وننتهي القصة وينتهي قلب البننت معاها !!

❖ **مش هنقول مفيش خطوبات بتتفسخ ، لأ طبعاً**
ولكن الفكرة نسبة وتناسب ، أكيد الوضع الأول أكثر حفاظاً على قلب البننت وكرامتها ، **ويكفي إن ده الحلال اللي ربنا إرتضاه ليكى ، وربنا اللي خلقك مش هيرضى ليكى إلا بأفضل شىء ..**



❖ **لا!!!!!!!!!!!!!! ازم تعرفي .. إن كل ذنب له عقوبة ..**
العقوبة دي ممكن تكون إبتلاء دنيوي فربنا يكفر بيه الذنب ، أو عذاب في الآخرة عياداً بالله !!
أو تتوبي **بصدق** فربنا يغفر الذنب ويبدله حسنات أو ربنا يعفو عنك ويغفرلك ..

والصدق ده مش لعبة ،،

❖ **يعني مش تقولي خلاص ، أول يوم بعد الجواز أتوب عن اللي فات بحيث متعاقبش والموضوع خلص خلاص ؟؟؟!**


❖ **إنتي هتضحكي على مين ؟؟؟**

◀ ده إنتي بتتعاملني مع ربنا اللي يملك قلبك ويعلم ما فيه ، وعلاقة البننت بشاب قبل الجواز عبارة عن سلسلة ذنوب ، بداية من كلام الحب والنظرات، مروراً بالتجاوزات الأكبر ، ونهاية بيوم الفرح وذنوبه .. ولأزم الذنوب دي هيكون ليها أثر التعاسة والشقاء في حياتك قبل وبعد الزواج !



❖ **وأصبح من المسلمات إن لازم تحصل قصة**
حب يا إما مع ابن الجيران يا إما مع زميلها في الجامعة أو مع صاحب أخوها أو أخو صاحبيتها !!
◀ **حتى قصة الحب** بقى مرسوم شكلها وطريقتها وكلماتها ، واللي مش حاسس بيها يحاول يعيش نفسه بالعافية و يعدّ النجوم حتى ملهوش نفس ، ويقطع الورد مع إنه ملهوش ذنب !!

◀ **إتبرمجنا إن هي دي السعادة !! وإن هي دي**
الطريقة الصح ؛ مع إن الواقع مختلف ونسبة فشل الزواج اللي مسبوق بقصة حب كبيرة جداً وبرده لسه مصرين إننا نكمل في الطريق ده !





► **هتقولى :**


بس أنا عارفة بنات كتير اتجوزا عن حب وعائشين سعداء وميسوتين !

هقولك :

مین قال کده ???

« **تفتكري** إنك حتى لو اتجوزتيه هترتاحي لما
تفتكري إنك فى يوم من الأيام أغضبتى ربك ملك
الملوک علشان ولد مخلوق ضعيف ۱۱؟۱

◀ **معتقدش أبداً إنك هتكونى مرتاحة ..!**



مِن قَالِكَ إِنَّ الّٰهِي اتَجَوَزُوا كُدَّة سَعْدَاء ...؟؟؟

« ظَاهِرِيًّا مُمْكِنٌ اَدَّ يَكُونُوا سَعْدَاء ؛ لَكِن اَسْرَارُ النَّبِيِّتِ لَا يَعْلَمُهَا اِلَّا اللّٰهُ .. وَمَحْدَشْ بِيَحِبُّ يَبَانِ نَاقِصُهُ حَاجَةُ قَدَامِ النَّاسِ ..!!!!

« وعلمنا أن تأكدي إنهم مش سعداء .. عايزك تجاوبى بنفسك وبكل صراحة على الأسئلة دي :

تفتكرى إن اللى عصت ربنا علشان الجواز

ربنا هيباركها ويخليها سعيدة؟؟

تفکری رینا هیساویکی بینت عمرها ما

صاحبت ولد ولا قالت لولد بحبك؟؟؟

« اکیییییید لاً .. مش هتساوی !



► هتقولى :

► **هتقولى :**

**بس أنا صبرت كتير
وحاولت كتير
إني مفضبش ربنا بس غصبت
عني برجع وأقع .. نفسي زي أي بنت أحب
واتحب ! كل لما أروح فرح أو أشوف اتنين
ماسكين إيد بعض أو أصحابي يحكولي عن
مغامرتهم مع اللي بيحبوهم ، قلبي
بيضعف ويبقى هموت وحد يقولي كلمة
حلوة .. نفسي أتجوز بقى علشان أرتاح !**

هقولك :

ومين قالك إن اللي اتجوزوا إرتاحوا ؟؟؟؟؟؟

انتی عارفه هترتاحی امتی؟؟؟؟

« لما يكون **قلبك راضى بقضاء ربنا** وتكوني متأكدة إن ربنا أعلم باللي فيه الخير ليكي ويريد ليكي الخير في جميع أحوالك ..
♥ فوصيتي ليكي :

« الصبر ثم الصبر ثم الصبر »

بس الصراحة أنا خايفة لو مكلمتش ولاد

ومحیبتش اینی أعنس ومتجوزش !!!

🗣️ **هقولك يا أختي :**

والنبي ﷺ يقول :
الزواج قسمة ونصيب .. الزواج مقدر ومكتوب ..

(كتب الله مقادير الخلائق قبل أن يخلق السموات والأرض بخمسين ألف سنة) رواه مسلم

خایفہ علی رزقہ لیہ بقی ؟؟؟؟

☑ لو ربنا كاتبك الزواج هتزوجي وزوجك
هيجيك لحد عندك ولو كنتي فوق القمر !!

لا إله إلا الله، أؤتمن على رزقي إن الزواج رزق من ربنا .. ومفيش حد عاقل في الدنيا بيعصي الرزاق عشان ياخذ الرزق !!! مستعجلش الرزق بالحرام ، وخليكي وثقة وعندك يقين في رزق ربنا ليكي ..





التوبة: ٢٤

مع إن قلبك وقلب اللى بتحبیه باید رینا !!!



❦ اقفي مع نفسك وأسألها قبل ما تقفي
قدام ربنا وبسألك !!!





مستنية إيه؟؟؟

➡ مستنية إيه علشان تتوبى؟؟ مصيبيية كبيرة؟؟
ولا فضيحة؟؟!! ولا عقاب من جنس العمل؟؟؟
ولا مستنيه ربنا يتليكي بمرض ليس له شفاء؟؟؟!
مسمعتيش إن فيه ناس فى كانت فى عز شبابها
وفجأة ومن غير مقدمات يجيلهم سرطان!!
أو مرض خطير فى القلب!! أو فشل كلوى!!
يتعرضوا لحادثة فيحصلهم شلل نصفي!!
أو يتعرضوا لحريق يشوه وجوههم وأجسامهم اللي
كانوا بيعصوا بيها ربنا!! أو يجيلهم خرس
فمقدروش ينطقوا تاني بكلمة واحدة تغضب ربنا!

➡ مستنية إن أي حاجة من الحاجات دي
تحصل علشان نبطلي الذنب غصب عنه؟؟؟



◀ ما تسارعي بالتوبة من دلوقتي؟؟

مش يمكن الموت قرب!! أنا واثق إنك
تعرفي ناس كثير ماتوا وهما لسه صغيرين
في عز الشباب! كان ممكن تكوني مكان
أي حد فيهم في القبر دلوقتي، صح؟؟!!

«إسمعي كلام ربك، وحاولي تركزي وتعرفي
إن كل حرف في القرآن إحنا مخاطبين به!

♥ والله العظيم مش هتلاقي السعادة إلا فى
طاعته!

♥ والله العظيم مش هتحسي بالأمان إلا فى
القرب منه!..

➡ وهتفضلتي تايهة وضايعة ومحتارة وتعيسة
وذليلة لو فضلتي بعيد عنه بالشكل ده!!



◀ إتبعي زي ما إنتي عاوزه!!

و دورى على سراب زي ما إنتي عاوزه!!

وقضي وقتك وضيعي عمرك زي ما تحبي!!

بس إنتي الوحيدة اللي هتخسري!!

وفي النهاية مش هتاخدي حاجة ربنا مش كتبهالك!

« وفى يوم من الأيام هتموتى ، وكل حاجة
هتروح ومش هيبقى إلا حسنات أو سينات فى
ميزانك ! هتحاسبي عليها سواء فكرتني فى ده أو
مفكرتنيش، أو إهتميتني أو كبرتني دماغك!!!

« كلنا هنتحاسب .. وفي الدنيا قبل الآخرة ،
ومنلومش إلا نفسنا .. قال الله :

(وَمَا ظَلَمْنَاهُمْ وَلَكِنْ كَانُوا هُمُ الظَّالِمِينَ) الزخرف:٧٦



▶ هتقولى :

بس إحنا علاقتنا قيامة على الدين والإحترام
!! ومن ساعة ما عرفته وأنا بدأت أتغير
وأقرب لربنا، وكل يوم بيرن عليا ويصحيني
أصلي الفجر ، وبقينا بنشجع بعض على
الطاعة!

« هقولك :

النية الصالحة لا تصلح العمل الفاسد !

يعني إيه الكلام ده ؟؟؟؟؟؟

« يعني العلاقة والكلام ما بينكم حرام من الأصل
فأي شيء هيتعمل بعد كده حتى لو كان صح مش
مُبرر للإستمرار فيها!!





► هتقولى :

بس أنا فاقدة الثقة في نفسي علشان أنا وزني زيادة شوية أو رفيعة شوية أو عيوني مش خضرا أو بشرتي سمرا !!! أنا مش جميلة زي بقية البنات ومحدث هيصلي ! أنا عايزة أحس إني مرغوب فيا !! وبسبب كلام أصحابي والناس وتعليقاتهم ؛ بدأت فعلاً أفقد الثقة في نفسي خلاص !!

❖ هقولك يا أختي :

ده كله من وساوس الشيطان و النفس الأمارة بالسوء .. خلّي عندك ثقة في الله اللي خلقك في أحسن صورة ، ثم ثقة في نفسك ..

« وأنا لسه قابلك إن رزقك مكتوبك وهيجيلك لحد عندك .. بلاش موضوع فقدان الثقة في النفس ده علشان ممكن يوصلك لمرحلة خطيرة جداً ..



► هتقولى :

فاهمة .. بس عايزة حاجة تأكدلي كلامك !!

❖ طيب .. هجيبك دليل وهسيبك إنتي اللي تحكمي بنفسك على الشيخ ده وتتأكدي إنه مش فاهم أو بيفسر على مزاجه ..

❖ إرجعي لصفحة ٧٣ من الكتاب .. وشوفي أحاديث النبي ﷺ في الصفحة دي ..

إزاي النبي ﷺ هيقل إن الحب قبل الزواج حلال وهو بيقل إن حرام البنات والولد يكلموا بعض ؛ بل وسمى ده زنا اللسان وزنا الأذن !!!؟؟؟؟!!

إزاي النبي ﷺ هيقل إن الحب قبل الزواج حلال وربنا أمر الولد والبنات بغض البصر والنبي ﷺ بيقل إن النظر بينهم إسمه زنا العين !!!؟؟؟؟!!

إذا كان بداية الأمر من إنهم بيصوا لبعض حرام ؛ فما بالك بالاستمرار في العلاقة ما بينهم ؟؟؟!!!!

« حرام!!!!!!!!!!!!!!!!!!!!!!م طبعاً وبدون نقاش !



► هتقولى :

طيب هو أنا لو سببت الشخص اللي بحبه ، ينفع أدعي ربنا إنه يكون من نصيبي ؟؟ ولا ده حرام ؟؟؟؟

❖ هقولك يا أختي :

لأ مش حرام .. لو عاوزة تدعي ادعي ، بس خدي بالك إنه لا يُفضل تخصيص شيء معين من أمور الدنيا في الدعاء ..

« يعني واحد عمال يدعي يارب أتجوز فلانة أو يارب أشتغل في الشركة الفلانية ؛ فيتجوز فلانة وبعدها يندم ويشغل في الشركة وتحصله مشاكل ! ه فلازم نبقي عارفين إننا مش عارفين الغيب ولا عارفين الخير من الشر ..! ولا عارفين إيه اللي ممكن يسعدنا وإيه اللي ممكن يشقينا ؟!



« يا أختي ..

لو موضوع الجواز بـ "الجمال" كان على الأقل

٥٠ ٪ من الـ ٦ مليون بنت عانس في مصر

أتجوزوا !

ولكن الموضوع مش كده خالص!

الموضوع قسمة ونصيب ورزق مه ربنا ..

« وعند النصيب ، اللي هيخطبك هيشوفك أجمل واحدة في الدنيا حتى لو كنتي في نظر الناس أقل بنات الكون جمالا !





◀ قال الله :

البقرة: ٢١٦

◀ وقال تعالى :

كثيراً (النساء: ١٩)

« وعشان كده إدعى ربنا عموماً إنه يقدرلك
وييسرلك الخير حيث كان .. ولو هو خير ، ربنا
هيزقك به .. ولو لأ ، ربنا بصرفه عنك ..



► **هتقولى :**

بس أنا بجد بعد ما جريت طعم الحب مش
قادرة أعيش من غيره !! أنا مكنش ليا قيمة
في الحياة والشخص ده حسسني بوجودي !
أنا مش بحبه وبس ، أنا بمووووووووت فيه
!! أنا حاولت أعيش بعيد عنه متتخليوش أنا
كنت عايشة إزاي ؟؟ بجد روحي كانت راحة
منى !!!

هقولك يا أختي :

بقي إنتي مش قادرة تعيشي لحظة وإنتي بعيد عنه ، وقادرة تعيشي وإنتي بعيد عن ربك ؟؟؟؟؟!

يا أختي لااااااازم تختاري حاجة من اتنين :

رضا ربك ؟؟؟؟

و

رضا الشخص الى بتحبيه؟؟؟

« **وخلى بالك** إنك لو دعيتي إنه يكون من نصيبك إنتي كده بتاكدي لقابك إنه هيكون ليكي وبتعلقه بيه أكثر وأكثر ! فادعي ربنا يرزقك بالخير ويرضيكى به .. فلو فيه خير هيجي ، ولو لا ، تبقى حافظتى على قلبك ..



❦ **وأنا واثق ومتأكد** إنك بتحبي ربنا وعازية رضاه ، بس الشيطان اللي مزينلك حبيبك ده ومحسبك إنك مش هتقدري تعيشي بعيد عنه .. بس صدقيني هتقدري .. والله العظيم هتقدري .. وبناات كتييببير غيرك قدروا .. بس الموضوع محتاج إرادة وتضحية ..

♥ **الصحابه والصحابيات ضحوا بأرواحهم**
ودمائهم علشان رضا ربنا ..

یا تری اِنْتی هتَضَحی بایه ؟؟؟؟؟؟؟





????????????????

صوني نفسك !



A black and white line drawing of two interlocking wedding rings at the bottom, with several hearts of various sizes floating above them.

ومستقبل البنت ضاااااااااااع !!!

وبرده البنات مش عايزين يتعضوا !!

☑ **يا اختي يا غالية :** لازم تعرفي إن خطيبك ده زيه زي أي حد في الشارع .. راجل غريب عنك ! وهيفضل كده لحد ما يتم كتب الكتاب والدخلة ! الخطوبة دي مجرد وعد بالزواج ومفيش فيها أي شيء يبيح اللي بيحصل بين المخطوبين ده !

« خطيبك يمسخ إيدك ويلمسك » حر اااااااااااااا
« تقعدوا في مكان لوحكم » حر اااااااااااااا
« تخرجوا مع بعض لوحكم » حر اااااااااااااا
« يكلمكي في التلفون لغير الضرورة » حر اااا



✍ خلاصة الكلام يا أختي :

« إن أي شاب في الدنيا معدوش أي مشكلة إنه يسبب أي بنت في أي لحظة وبدون مقدمات ؛ ده إن ماكنش عاقد النية من قبل ما يكلمها أصلاً إنه هيسببها ..!!!!

أصله مش خسران أي حاجة .. وإنتي بقيتي خلاص **رخيصة أوووووووي في نظره !**

« بنت كانت بتحكى وتقول :

أنا قريت مشاكل كثير عن التجاوزات بين المخطوبين وأنا كنت منهم ! أيام بندم عليها !!!! بجد إحساس فظيع إنك تقرفي من نفسك أوي وتعتدي تسألني :

ياترى خطيبي شايفني من وجهة نظره إيه بعد التجاوزات دي ؟؟؟؟

وإزاي تقولي يارب تمملي جوازي على خير وإبيني كذا وكذا وإنتي بتعصيه ؟؟؟؟



✍ هتقولي :

بس أنا لو رفضت إني أخرج مع خطيبي أو رفضت إنه يمسك إيدي أو رفضت أقوله كلام حب، ممكن يسبيني ويفسخ الخطوبة ؟

✍ هقولك يا أختي :

ما هو إنتي اللي إخترتي غلط من الأول ووافقتي على إنسان مش ملتزم علشان يطلب منك كده ! **وعموماً ،** ممكن يكون مش عارف الحكم الشرعي ، فإنتي كلميه وعرفيه إن ده حرام ، وإنكم لازم تطيعوا ربنا علشان ربنا يبارك في الخطوبة ويتم الزواج على خير !

ولو لسه برده مُصرّ .. إنتي اللي المفروض ترميله الشبكة وتقوليله مع السلامة، مش عايزاك ! أنا مش هغضب ربنا الملك علشان إنسان ضعيف ! مش هغضب ربنا الرزاق علشان رزق مكتوبلي ! **لأني عارفة ومتيقنة :**

إن ما عند الله لا يُنال إلا بطاعته




« **صوني نفسك يا أختي ..** وإحتفظي بمشاعرك لزوج المستقبل .. واعرفي إن اللي بيقولك مقدرش أعيش من غيرك وإنتي روعي وإنتي عمري والكلام ده كله ممكن بيعك في أي لحظة ..

وهترجي تقوليله :

وقدّرت تبعد ؟؟؟!!

هيقولك :

!!!!!!!!!!!!!! اه !!



« **ده غير إن معظم الشباب شايف إن أي بنت فرطت في مشاعرها وعواطفها قبل الزواج متنفعش تبقى زوجة المستقبل اللي هياتمنها على بيته وعرضه وأولاده بعد كده !**

وحتى لو افترضنا إن الموضوع مشي وتم الزواج، والله العظيم عمرك ما هتلاقي **(الزوج الصالح)** من قصة حب !!! خلي بالك من الكلام اللي بين القوسين .. أصل مفيش واحد ملتزم ومتدين هيقعد يحب واحدة قبل الجواز !!!

« الحب في الإسلام بيحي بعد الزواج مش قبله !

« السكن والمودة والرحمة بعد الزواج مش قبله !

وده مش كلامي علشان تصدقيه أو متصدقيهوش وتعتدي تجادلي وتقولي مش مقتنعة !! ده كلام ربنا اللي خلقنا ولازم نصدقه ونتيقن بيه..





﴿ إنما اللي بنشوفه دلوقتي ده مينفعش خالص!!
 ➔ إزاي بنت تتكلم مع ولد وتحكيه
 أدق تفاصيل وأسرار حياتها وتديله رقم تليفونها
 وتخرج معاه وكل ده بحجة إنهم زميل وأصحاب
 وزى الاخوات بالظبط!!!!!!

▶ إنتي كده يا أختي بتخالفني الفطرة لما بتقولي
 مش هيحصل تجاوزات !!

إزاي بس مش هيحصل!!!!!!

« إنتي بنت وهو ولد .. قطب موجب وقطب
 سالب .. لازم هيحصل إعجاب وإنجذاب ما بينكم
 ولو بعد فترة ، غصب عنك وعنه مش بمزاجكم !



علاقة بريئة !!

▶ بنات كثير هتقول : أنا فعلاً مقتنعة إن الحب
 بيجي بعد الزواج وعارفة كويس إن العلاقات دي
 كلها حرام .. وإن شاء الله هصبر وهحتفظ بقلبي
 وحبي لزوج المستقبل .. بس ؛

« فيها إيه لما يكون ليا أصحاب ولاد وبتتكلم
 في نطاق الأدب والإحترام ???

« إيه المشكلة لما يكون ليا زميل في الكلية
 أو في الشغل أو صديق على النت وأتكلم معاه
 وأحكيه مشاكله ويساعدني ؟؟ وأنا بعتره زي
 أخويا بالظبط والحمد لله عمرنا ما ييحصل بينا
 حاجة غلط أو أي تجاوزات !؟

﴿ هقولك يا أختي : زي ما قولتلك قبل كده :

(النية الصالحة لا تصلح العمل الفاسد)
 و (ما بُني على باطل فهو باطل)

« وإنتي عارفة كويس إن الكلام بين الولد والبنت
 حر!!!!!!!!!!!!!!!!!!!!!!م وغير جائز إلا للضرورة فقط ..



▶ الرسول ﷺ قال :

(ما تركت بعدى فتنة هي أضر على الرجال)

من النساء (متفق عليه

ف « إزاي بقى نقعد الفاتن مع المفتون ؟؟؟
 إزاي نخليهم أصحاب ويتكلموا سوا ويهزروا ؟؟
 إزاي نقول إن ده حلال وانهم اخوات وعادي ؟؟

﴿ أصدق أنا النبي ﷺ ولا أصدقك إنتي ؟؟

بلاش تقولي إن الموضوع مش كده بينكم وإن
 نيتكم صافية وربنا أعلم باللي في القلوب !

« لأن إنتي بشر وهو بشر وأنا بشر .. ومحدث
 فينا معصوم ! و يعني هم الصحابة اللي هم أفضل
 البشر بعد الأنبياء ، وأمّهات المؤمنين اللي هم
 أظهر نساء العالمين نوابيهم مش حلوة وعلشان
 كده ربنا أمرهم بالكلام من وراء حجاب !!!!!
 لأ طبعاً .. فحتى لو الشخص نواباه سليمة ١٠٠ %
 فاحنا بنعبد ربنا إمتثالاً لأمره مش علشان مُبرر ..



▶ هتقولي :

على فكرة أنا من بيت محترم ومترية
 وعارفة نفسي كويس ، وأعرف لو حصل أي
 حاجة أحمي نفسي وأحافظ عليها !

﴿ هقولك :

فيه مقولة بتقول :

(إياك أن تستشرف الفتنة ؛

لأنها ستستشرفك)

« يعني مينفعش أخط نفسي وسط الفتنة وأقول أنا
 واثقة من نفسي ومش ممكن هعمل حاجة غلط !!!

- إنتي كده بتعملي زي اللي جاب چركن بنزين
 وكتب عليه منوع الإشتعال !! ده كلام ؟؟؟؟





« قال الله تعالى :

﴿﴾ بالله عليكم يا אחتي انسي موضوع الصحوبية ده خااااااااااااالص ، وإبعدي عن الكلام والعلاقات البرينة مع أي شاب ! وحافظي على نفسك ؛ علشان محدش كبير على الفتن !



« يعنى فترة وبيقضيها .. لعبة حلوة إتسلى بيها
ولما ييجى يفكر يخطب .. مستحيل هيفكر فيا !



فوقى ياللا يا أختي لنفسك ..
 قبل ما تكوني الضحية !!
 قومي ياللا وقولي للعالم ..
 أنا إسلامي غالي عليا !
 عمر ما كان ديني بيخفتني ..
 ولا كان قصده يظلم فيا !
 ربي حبيبي وهبني كتيبيبيير ..
 والرسول ياما وصم يبا !

أنا على ديني بجد حريصة
أنا غالية ومش رخيصة
أنا غالية ومش رخيصة





«وبنت تانية بتقول :

أنا كنت كتير بسمع عن الشات والمصايب اللي بتحصل من وراه ، وقولت عمري ما هدخله ، بس دخلته من قبيل حب الإستطلاع وياريتني ما دخلت!! شباب كتير أوووي كلموني وإتعلقت بأكثر من شاب فيهم وللأسف فيه واحد فيهم عرفني حاجات مش كويسة وشدني معاه للسكة الغلط ، وأنا حالياً أدمنت الحاجات دي وبجد مش عارفة أعمل إيه ؟؟؟!

«وبنت تالته بتقول :

أنا بنت متدينة وعارفة ربنا ، إتعرفت على شاب في أحد الجروبات الدينية على الفيس ، بس إحنا كنا بنتكلم عادي في أمور الدين وأمور عادية زي الحياة والسياسة ، كلام عادي جداً .. بس بدأت أحس إننا متقاهمين وبدأت أحس إنني بحبه ، هو عاوز يتقدملي بس أنا خايفة ومش عارفة هقول لأهلي إيه ؟ إيه رأيكم ؟؟؟



الحب و النت !!

و السؤال التقليدي اللي البنات بتسألنه دائماً :

هو فيه حب من على النت ؟؟؟



والمشاكل في الموضوع ده بالذات ملهاش عدد !!

« مثلاً بنت بتقول :

أنا كنت زهقانة في يوم ومتخافنة مع ماما ، ودخلت على الشات علشان أفضض مع أي حد ، لقيت شاب محترم أووووي وأقعد يخفف عني ، وإستمريت في الكلام معاه علي النت واتعلقت بيه جداً .. ، وبقالنا حوالي سنتين على الوضع ده وأنا مش عارفة أعمل إيه ؟؟؟



«هقولك يا أختي :

أسهل حاجة ممكن الواحد يعملها على النت هي

الكذب !!

«واللي الكل شايفه دلوقتي ومتأكد منه ، إن شباب النت بيلعبوا بالبنات ويتسلوا بيهم وبمشاعرهم وعواطفهم لحد ما يستدروهم لأغراضهم الدنيئة !

«يعني الموضوع بقى **إسطوانة محفوظة** الشاب بيقولها لكل بنت مع بعض التعديلات علشان تناسب شخصية الضحية الجديدة في كل مرة !!

« يعني البنت المتدينة يدخلها كأنه واحد شيخ .. والبنت العادية يدخلها كأنه الدنجان العاشق !

شباب بفكر الشياطين ؛

بل أخبت من الشياطين!




«وبنت رابعة بتقول :

أنا مشتركة في جروب دراسي لدفعتي على الفيس وكان فيه واحد زميلي دائماً بيعلق على مشاركاتي ويبيدي إعجابه بيها ، ومن فترة طلب الإيميل وإديتهوله ولقيته شاب عاقل جداً وأخلاق أوي وفيه كل الصفات اللي بتمناها ، أنا حبيته بجد ، ومش عارفة أقوله إيه ؟؟ ولا أتصرف إزاي ؟؟؟

و مشاكل الحب من النت مش بتنتهي ... !!

يا نرى نقول إيه لأصحاب المشاكل دي ؟؟





« والبنت ببرانتها وفطرتها بعد المدح ده كله تديله الإيميل ، ويتكلم معاها وتتكلم معاها ، ويقولها كلام يخلي قلب أي بنت طائر في السما .. لحد ما خلاص يحس إنها اتعلقت بيه .. ويبدأ يبعد عنها ويسيبها شهر أو شهرين ، والبنت تفضل في الفترة دي في عذاب وهتموت ويكلمها !!»

«وفيبين .. بعد مدة يدخل ويتحججها بأي حجة ويقولها : معلش أصل والدتي كانت تعبانة جامد وتوفاها الله وأنا كنت تعبانة جداً الفترة اللي فاتت .. أو يقولها أصلي كنت دخلت الجيش أو أختي كانت بنتجوز ومكنتش فاضي أو أي حجج واهية !

✕ والبنت للأسف بتصدق علشان متعلقة بيه .. وبترجع تكلمه وتتعلق بيه أكثر من الأول !!!»



► تقوله :

طيب إيه رأيك تكلم ماما ؟؟

► يقولها :

والله العظيم أول ما أرجع من السفر إن شاء الله هكلمها ، ومتبقيش خنيقة بقى !!

« وأول ما البنت تتأكد إنه بيلعب بيها وتحاول تبعد .. تلاقي المصايب اللي عملتها في وشها !!

► الشاب يقولها إنه مصورها فيديو وهي فاتحة الكاميرا ، أو يكون مسجلها المكالمات ، أو يركب صورتها على صور مühle بالفوتوشوب ، أو يكون واخد رقم موبايل باباها أو أخوها ، ويفضل يهددها إنها لو حاولت تبعد ومسعتش الكلام ؛ هيرفع الحاجات دي على النت وهيفضحها في الدنيا كلها!

« والبنت تبقى في حيرة من أمرها ومش مصدقة اللي بيحصل وخلاص حاسة إن حياتها إتدمرت !!



« تلاقي الشاب بيعت إضافة للبنت على الفيس فالبنت محترمة ومش بتضيف ولاد ، وطبيعي تقوم رافضة .. يقوم بيعتلها رسالة يقولها :

إيه ده ؟؟؟؟ بجد مش معقول ؟؟؟

هو لسه فيه بنات كده ؟؟؟؟

معقول فيه بنات لسه بالأخلاق والإحترام ده ؟؟؟؟

ما شاء الله عليكي ..

ربنا يزود إيمانك ويبارك فيكي ..

ويبعد عنك ولاد الحرام ..!!!!!!

- ويقعد يومين كده ميكلمهاش ولا بيعتلها حاجة .. وشوية ويبعتلها رسائل دينية هو أصلاً ممكن ميكونش عارف بتتكلم عن إيه ؟؟!!

« ويستمر على كده فترة ، وبعدين بيعتلها يقولها : صراحة ومن غير كذب ، أنا لفيت النت حنة حنة ؛ وملقيتش إنسانة محترمة زيك تصلح كزوجة .. وعلشان كده ياريت حضرتك لو تديني الإيميل علشان أعرف أتكلم مع حضرتك !!



« وتستمر الحكاية ، ويبدأ الشاب يطلب رقم تلفونها والبنت بدون ما تفكر أو تتردد تديهوله .. وشوية ويطلب إنه يشوف صورتها .. والبنت برده على طول تبعتها .. شوية ويقولها افتحي الكاميرا وتفتحاله ..!!!!!!

✕ وطالما الكاميرا إفتحت ، تبدأ التجاوزات والمصايب اللي محدش يعلمها غير ربنا وحده !!

« وكل ده والبنت مغيية !! ما هي خلاص بقت لعبة في إيديه ومش قادرة تقوله لأ على أي حاجة !

« وأول ما البنت تفوق لنفسها وتحس إنها تماردت في الغلط والحرام وتقوله هتيجي نتقدم إمتي ؟؟؟؟ يفضل يتهرب منها ويخترعها حجج كالمعتاد ؛ أصلي مسافر الإمارات ومش راجع غير بعد ٣ سنين ! أصلي بجهاز إخواني البنات ومش هينفع أتقدم دلوقتي ! أصلي مش عارف إيه وإيه !!!!

وكل ده والبنت المسكينة لسه برده

مصدقاه!



« وبعدھا البنت تلاقي نفسها حامل ! وتروح
تعمل إجهاض ، وتبقى المصيبة مصيبتين !!

ببإخذ البنت كوسيلة تعارف ، ومجرد ما يتعرف على البنت ويكلمها ويحس إنها اتعلقت به ، يطلب إنه يقابلها ، وطبعاً البنت في الأول بترفض ، ولكن مع الإلحاح الشديد وضعف البنت والشيطان والنفس ، البنت بتوافق !!
وطبعاً في أول مرة لا بيلمسها ولا حتى بيكلمها ؛ لأنها محترمة وهو برده محترم !!!!!!!!!!!!!

◀ **وأخبرتها** إن البنت بتخاف من الفضيحة والعار وأسهل حاجة في نظرها علشان ترتاح من الهم اللي عايشاه بتتقى :



الانتحار!!!

وكل ده بدأ بشات بريء أو بطلب إضافة برئ !!
 ❁ لسه برده مش عايزة نفوقى ؟؟



✕ وتبدأ البنت تتنازل واحدة واحدة وترخص نفسها واحدة واحدة ، وفي بعض الأوقات يبوصل الأمر لدرجة الزنا عياداً بالله أو الجواز العرفي اللي هو زنا برده !

وكله ياسم وهم الحب!

116



► هتقولى :

بص بقى ، كل الكلام اللي إنت قولته ده جميل وأنا متفقة معاك فيه ؛ بس الشاب اللي أنا بكلمه ده غير كل الشباب بتوع النت خالص!!!

هو صحيح طلب یشوف صورتی !! بس ده
 علشان هو جد وعايز يتقدملى ..!

**ده شاب محترم جدا!!!!!! وعنده جروب ديني
فيه كام ألف عضو وأخلاقه ميختلفش
عليها اتنين !!**

🗣️ **هقولك يا أختي :**

☒ الدين والإحترام مش بالمنتديات والجروبات

على الفيس والرسائل الدينية !!!

☑ الدين والاحترام = أفعال على أرض

الواقع

► وتعالى نبص على التناقضات اللى فى كلامك ..

◀ إزای هو شاب محترم ومتدین ویقبل إنه یتکلم

معامی احد دلوقتی؟؟

◀ إزاي هو شاب محترم ومتدين ويطلب صورتك؟؟

هو يرضى لأخته كده ???

يرضى لأخته تبعت صورتها لشاب على النت؟؟؟

« معتقدش ان فيه شاب محترم ومتدين يرضى!

﴿ يا أختي يا غالية : لو قرّيتي مشاكل النت اللي في كل مكان ، هتلاقي كل البنات بيقولوا ده **محترم أوى** و **عاقِل أوى** وهادي **أوى** ؛ و في الآخر يطلع شيطان أو يطلع متجوز أو يطلع واحد عاطل وبيتسلى أو نصاب محترف وعايز يستغك !! ﴾


﴿ حطّيتها حلقة فى ودك وخديها منى نصيحة : ﴾

**مفیش شاب "محترم" و "عارف ربنا" هیکلم
بنت ولا نت ولا موبایل ولا فی الحقیقة !**



البنت كاتبة عنوان قصتها :

[أولاً : السلام عليكم ورحمة الله وبركاته ..

[illegible]

« ضفته على إيميل قديم عندي علشان أشوف عايز مني إيه ؟ لقيته بيقولي أصل أنا معجب بيكي جداً وعمرى ما شوفت بنت على النت بتفرض تكلم رجالة وبتصدهم وتمدنية أوي كده !!!
بجد إنتي زوجة صالحة وأنا كنت بدور عليكى من زمان وأخير ألقيناك !

« الكلام ده طبعاً مدخلش عليا !! وقولته أنا
 مليش في علاقات الننت ومش بكلم رجاله واعدني
 ! قالي أرجوكي تبيني فرصة ولو مرة أثبت حسن
 ظني ! قولته تعالى البيت من أول مرة نتكلم !

« كنت صريحة ! وقولته تتفضل في الصالون !
قال، بس، حالياً أنا مسافر !!!!!

- المهم .. صاحب الجروب أعجب بيا وبشخصيتي
هههههههه ، وطلب يكلمني كذا مرة وأنا رفضت !
بعتلي مسجات ويحلفلي إن فيه حاجة مهمة لازم
يقولها، ضروري !!

قولته عادي أول ما توصل مصر إن شاء الله
وقتها حكلكم وأقولك تعالي إتفضل وملوش داعي
نكلم مع بعض من دلوقتي !
قالي طب ممكن نتعرف عشان أعرفك أكثر ؟؟
قولته ماشي ..!



- وقعد يحكي لي عن نفسه وإنه مش بيحب الكذب وإنه صريح و..... وأنا زي الهلهه أصدق !
يا جماعة والله ما كنت مصدقاه في الأول وكنت حاسه إنه كذاب وكنت بقوله مش مصدقك ،

ولكنه كان بيحلفلي ١٠٠ حلفان في الثانية !

- كان بيحلفلي إنه عايزني وهيتقدم ! وكان بيقسملني ١٠٠ قسم إنه بيحبني ! وكان بيشهد ربنا على كلامه في كل مرة ..!!!!!!

- وكان بيقوللي دائماً : يشهد ربنا على كلامي وربنا شاهد وسامع إنني بحبك وعمايزك زوجة ليا يا بنت الناس صدقيني ، وكلام من هذا القبيل ..!

- غصب عني وقعت وصدقته ! وبعد ٣ أسابيع المهم يعني قاللي إن أنت عنده فصل وقاللي معنديش فلوس أدفع لأنه مبلغ كبير! اصبري شوية عليا، وبقي أحياناً يدخل من عند صاحبه وأحياناً لا .

- صبرت .. بس زي ما تقولوا لما بعد عني بقى بيوحشني الكلام معاه لإنني إتعودت وبقيت بستناه كل يوم !!



- وكان بصراحة محترم! وكويس أوي وعزفني عن نفسه وحكالي حكايته مع الزمان تاتا تاتا ، وإنه كان بيحب بنت وماتت قبل خطوبتهم ب ٣ أيام ، ومامته ميتة غضبانه عليه لأنه سافر وسابها لوحدها ومعندوش اخوات وععيش لوحده !!

- صعب عليا يا حبة عيني والله !! وبقيت وهو بيحكي لي طبعاً بتفاصيل مؤلمة جداً .. ومن هنا بدأت قصتي معاه ..

- وبقيت أدخل أطمئن عليه من باب إنه وحيد ، وبقيت أقوله تعالى نعين بعض على طاعة الله ونحفظ قرآن ونفكر بعض بالصلاة !

- كلمته ٣ أسابيع بس .. **و كل مرة يكلم فيها معايا قسماً بالله كان يقول أحلي كلام ممكن تسمعه أي بنت !!** كان يقولي حاجات بتدور في بالي وكان بيقرأ أفكاري ! وطبعاً أنا اتجننت واتهيلت ، إزاي ياربي ؟؟ ده معقول ؟؟ شكله هو ده خلاص فتي أحلامي ! يا .. ربنا عوضني وأخير .. لقيت الإنسان اللي بتمناه !!



- بعدها بعثله مسج قولتله : أسفه مش هقدر أكمل معاك وربنا يوفك ! وكلام كثير طبعاً زي كده ! كنت متنزفة لأنني شوفت حاجة نزفرتني ! شوفت بنت بتقوله " يا حبيبي " على الفيس بوك وكلام من ده كثير وكمان أصحابه يعرفوها والبنت دي بتفتح الفيس بتاعه !!

حسيت وقتها إني مخدوعة وإني مضحوك عليا !!

بعثلي مسج قالني : إنتي مجنونة ؟ إيه الكلام ده؟ عيب عليك لما تقولي كده !! وبعدين معاكى ؟؟

- سحببت كلامي وقولتله معلش كنت مضايقة وممكن تشوف وقت ثاني نتكلم فيه ! مردش عليا ! إتصلت عليه ثاني يوم مردش برده عليا ، بقيت بتصل ويكنسل في وشي !! وأبعثله مسجات بالهيل ! اتجننت خلاص !! فيه إيبيبيبه ؟؟ حصل إيبيبيبه ؟؟ أول مرة أكون متهورة كده !! بس كنت بحاول أدور على أي حاجة تبينلي إنه مظلوم !!



- حبيته غصب عني بس مش إعتزفته !! يعني حبيته بني وبين نفسي ، وكنت مبسوطه أوي لأنني لقيت إنسان ملاك يانا .. اس ملا .. لك !!

- بقاله شهر وحاجة أهو أنت مش رجع عنده ، وحصلت حاجات كثير في الشهر ده .. أخذت رقمه وقولت أطمئن عليه وكنت بتصل بيه وهو عمره ما اتصل بيا ولا حتي إداني رنة !! عارفين ليه ؟؟ لأنني حسيت إن ظروفه صعبة ويتيم ومش عارف يدفع الفاتورة ، فحرام أنقل عليه !! كنت طيبة والله معاه وبعامله بحسن نية !

- وكنت كل ما بتصل بحس إنه مش مبسوط إنه سمع صوتي ! وصليت ودعيت ربنا كثير وصليت مرتين إستخارة إنى أرتاح ! ولكن مش مرتاحة !!

- **وكنت بصبر نفسي ويقول يمكن الإحساس ده موجود علشان لسه معرفناش بعض أوى !!**

- **وفجأة أول الاسبوع ده .. لقيته من يومين ثلاثة فاتح ومش بيرد عليا !! اقعدت أكلمه ولا هو هنا !!**



128



127



أَوْ نَعَارِفُ يَا بَنَاتَ



► **هتقولى :**

بِسْ الشَّابَّ الّٰی اَنَا بَحْبَه دِه مَشْ یِیْکَدَبْ عَلِیَا
وَأَنَا وَاثِقَةٌ ١٠٠٪ مِنْ کَدِه ، لِأَنَّهُ طَلَبَ رَقْم
تَلِیْفُون مَامَا وَکَلَمَهَا وَقَالَهَا إِنَّهُ هِیْخَطْبِنِی
أَوَّلَ مَا ظَرُوفُهُ تَتَحَسَّنْ ، وَمَامَا قَاتَلِی
اسْتَمَرَّ مَعَاهُ دِه شَکْلُهُ ابْنِ حِلَالِ !

هقولك :

وایه یعنی، لما یقول کده .. ؟؟؟؟؟؟؟

هو الكلام بفلس؟؟؟

« ما يكلم مامتك وباباكي والعيلة كلها ويقول إنه
هيخطبك .. إيه اللي يأكذك برده إنه صادق
ويخليكي تتقي فيه للدرجة دي؟؟!



◀ يا أختي :

قلبه ده باید ربنا ... یعنی هو وحده سبحانه وتعالى
اللي قادر بزرع في قلبه إنه يحبك أو يكرهك !
وإن شاء الله لما ربنا يجمع بينكم في بيت الزوجية
؛ والله ما هيجبله قلب يزرعك ، ويحافظ عليك
ويحطك حوا عينه ..

♥ ليه هيصونك ويعاملك كده ؟؟

☑ **لأنك كنتي غالية** وحافظتي على قلبك ومشارعك ، وهو عرف قيمتك بجد ، وإنني أثبتتي إن رضا ربك قبل كل شيء ، وإنك فعلا زوجة صالحة باذن الله ..



**وحتى لو إقترضنا إنه صادق وده شبه مستحيل !!
إقطعي علاقتك معا وهو يجيباك لحد عندك لو
عايزك ! أرجوكي بلاااااااااااش ترخصي نفسك !!**

◀ إنتى غالية أوى ..

أرجوكم حافظي على نفسك !



﴿بِاللّٰهِ عَلَيْكُمْ﴾ :

« لو فيه جوهرة على جبل عالي ، وحاول شاب
إنه يوصل للجوهرة دي ، حاول مرة ووقع ..
وحاول الثانية ووقع تاني واتجرح ! ووقع الثالثة
واتكسر .. وبرده فضل مصمم إنه يوصل للجوهرة
دي .. وفي آخر المحاولات وصل بعد مشقة وعناء
بالله عليكم ، ساعثها هيقدر بشرط فيها؟؟

ساعتها هیچ‌جایه قلب ایند یسیبها لغیره ؟؟؟

«أهو إنتي الجوهره دي .. إنهاردة إنتي لما
تبعدي عن الشاب اللى بجد نفسك تربطي بيه ..
صدقيني هتغلى جداداً في نظره !



🧠 وتعالوا معايا نشوف الصورة الثانية :

« لو هى هى نفس الجوهرة .. بس المرة دى
مش على قمة جبل ؛ لأ .. دى مرمية فى الشارع
وعليها تراب ، وكل اللي رايع واللي جاي عمال
يشوط فيها .. لحد ما واحد لقاهها وأخذها ..

« بالله عليكى يا أختي .. هل ستكون غالية عنده
 زى الشاب اللي تعب وبذل قصارى جهده علشان
 يوصل للجوهرة البعيدة اللي لسه بتلمع فوق قمة
 الجبل؟؟

X مستحيل طبعاً !!





« وبعد الزواج :

« **تفتكري** هو هيبقى مطمئن وواثق فيكى وإننى قاعدة على الننت وهو فى الشغل؟؟

« **تفتكري** إنتى مش هتشكى فيه لو لفتيه متغير وبيقعد على الجهاز من غير ما تعرفى بيعمل إيه ؟

« **تفتكري** مش ممكن فى يوم فى وقت غضب أو مشكلة يقول كلام يجرحك عن الطريقة الللى عرفك بيها واتجوزك بيها؟؟

« طب بنفع واحدة تتجوز شخص وهو بيقى ماسك عليها ذلة إنها مخبية على أهلها إنها عرفته إزاي؟؟؟

« **ده غير إن الننت حاجة والواقع حاجة ثانية !**

« **يعنى إيه ؟؟** يعنى إنتى ممكن يكون عندك واحدة صحبتك بترتاحي لها على الننت وتتكلمي معاها فى التليفون ولكن لما بتشوفها بتحسى إنها غريبة عنك ! وإنك مش عارفة تخدي عليها !

شخص متعرفيهوش ، إزاي تفكري ترتبطي بيه؟؟



« هتقولى :

بس أنا أعرف بنات كتير اتجوزا شباب من قصة حب من على الننت !!!

« هقولك يا أختى :

تفتكري فكرة الزواج من قصة حب من على الننت حاجة كويسة؟؟

« **لو تأملنا فى قصص الزواج من الننت ، هنلاقي البداية كانت غلط وحرام ..**

« **يعنى** مش هتقدرى تقولى للناس إنك عرفتيه عن طريق الننت !

« **وهتبقى** إيه نظرة أهله ليكي لو عرفوا إنكم معرفة نت؟؟

« **ولو** هتكذبوا هتصححوا الخطأ بخطأ تاني !! وبردو مسيرهم هيعرفوا !



« هتقولى :

طيب أعمل إيه بس ؟ علشان أنساه وأقدر أبعد عنه لازم أشيل الننت خالص وده مش هينفع !!!!

ده غير إني كل يوم بيجلي ١٠ إضافات على الفيس كلهم من الولاد ، ده غير الجروبات الدينية والجروبات الدراسية الللي لازم أدخلها ومقدرش أبعد عنها .. أعمل إيسيسيه بقى ؟؟؟؟

« هقولك يا أختى :

الننت بقى واقع فى كل بيت دلوقتى ومش هقدر أقولك إفضليه ! بس طبعاً لازم ناخد احتياطاتنا وإحنا على الننت لأنه سلاح ذو حدين !

وأهم نصيحة هقولها لك :

« إوعي تقعدى على الننت وانتى بدون هدف! »

علشان هتلاقي نفسك على طول بتتجهي للغلط !

وياريت تبعدى عن منتديات الأغاني والأفلام الللي كلها إختلاط ورسائل خاصة وشباب مش ملتزم !

« **وبالنسبة للفيس بوك ، الأفضل هو البعد عنه** طالما الإنسان مش محتاجه ؛ ولكن لو مضطر .. يبقى لازم ياخد احتياطات الأمان فى مكان مليان قتن، ومنها إنك تدخل على الـ :

PrivacySettings

وتعدي الإعدادات ، بحيث متخليش أي حد غير ناس معينة بس :

« **يبعتلك طلب إضافة .**

« **أو يبعثلك رسائل .**

« **أو يلاقي اسمك فى البحث!**

« هتلاقي الخيارات كده بالإنجليزي :

-Search for you on Facebook

-Send you friend requests

-Send you messages

« **هتعدي الخيارات فيهم كلهم .. وطبعاً فى نفس الوقت**

«كلامك على الجروبات هيكو للضرورة فقط !

«وبلاش أي كلام أو كومنتات موجهه لشاب بعينه ..

«الكلام يكون بصيغة العموم علشان

مانوقش بعض فى الفتنة ونحافظ على قلوبنا ..



► هتقولى :

بعد ده كله ممكن برده يكون فيه بنات لسه مصدقة وعايشة الوهم .. تقولهم اييه ؟؟

❖ هقولك :

أنا مش هتكلم تاني علشان يمكن الناس تكون زهقت من كلامي ..

أنا محكيلهم حكاية بنت كانت برده مش مصدقة

كانت مش مصدقة كلامنا لما نصحنها وقولناها إن كل ده وهم x وهم !

« **بدأت الحكاية** لما البنت دي بعثتنا مشكلة في قسم " سرك في بير " على " منتدى أحلى حياة " بعنوان : **(ساعدوني) ؛ بتقول فيها :**

[السلام عليكم ، أنا بجد مكسوفة إني بتكلم في موضوع زي ده ؛ بس لازم اخد رأي حد وينصحني أعمل إيه ؟؟؟]

- أنا فيه واحد بيحبني من علي النت وصارحني بكده لسه قريب وبيتكلم معايا بإحترام !



- هو إنسان كويس وأنا اتعلقت بيه ، طلب مني إنه يشوفني ويكلم معايا بالمايك ! وأنا رفضت وقولتله كفاية إني بكلمك من ورا أهلي !!!

- المهم لما لاقاني كده مصممة ورافضة .. قالي إنه راح كلم والده عليا - علي أساس إني كنت زميلته في الكلية - وطلب مني اسمي بالكامل وعنواني ورقم بابا علشان والده يسأل علينا ويجي يتقدم !

- أنا دلوقتي مش عارفه أعمل إيه ؟؟ أصدقته وأدله اسمي وعنواني ؟؟ ولا أعمل إيه بالظبط ؟؟ المشكلة إني اتعلقت بيه جامد ، أنا عارفة إني غلطت من الأول !! أنا بعدت عنه خلال شهر رمضان كله بس مقدرتش أبعد عنه ورجعت بعد أسبوع من العيد ! ساعدوني بالله عليكم !]

❖ **ردينا عليها وقولناها :**

☑ إقطععي علاقتك بيه الله وهتلاقي الخير جابلك من عند الله ..



« بعدها بكام يوم كتبت موضوع تاني بعنوان **(أنا صاحبة مشكلة ساعدوني) ؛ بتقول فيه :**

[أنا إستخرت مرة وقمت مستريحة للموضوع وبدعي ربنا دايماً في أي خطوة وأقول يارب قدرلي الخير .. أنا مش عايزة أزعلكم مني ، بس صدقوني أنا بحس إني غرقانة ومش عارفة أعمل إيه ؟؟ كل لما أبعد عنه برجعله ومش بقدر !! وبدعي ربنا كتير أوي ، والشاب ده لاحظ فيا كده، وحكيته علي أي حاجة بعملها ، وكبرت في نظره إني خايفة من ربنا !! وقالي يابنتي بدام إنتي شايفة إنك بتعلمي حاجة غلط هاتيلي عنوانك وأنا هاجي أقدملك علشان مش تحسي بالذنب كل ما تكلميني وأنا أي طلب أهلك هيطلبوه هوافق عليه !

أنا مش عارفة إذا كان الشاب ده صادق ولا لأ ؟؟ أنا إتعرضت للموضوع ده قبل كده ، بس ماكنش حب كاتو بيتسلو بيا !! يعني إتعلمت كويس أوي!! بس برده مش عارفه أثق فيه ، أنا لو أضمن أخويا هخليه يكلمه ويتفاهم معاه ، لكن لو حد من إخواني عرف ، هفل من نظرهم وهيبقي في معاملتهم ليا دايماً شك ! أنا دلوقتي والله بدعي



❖ ردينا عليها وقولنا لها :

- هو بيقول إنه عاوزك ومتمسك بيكي ومش عاوزك تعملي حاجة غلط ، وهو دلوقتي معاه العنوان والتليفون ويبقى المشكلة خلاص انتهت ! هو دلوقتي في إختبار حقيقي علشان بيان هو صادق ولا بيقول كلام وبس ! وبرده بنقولك مينفعش تستمري في الكلام معاه ، ممكن كل شوية يطلع بعذر مختلف والموضوع هيفضل مستمر !

❖ وبعدها بكام يوم كتبت موضوع بعنوان :

(السلام عليكم .. كلامكم طلع صح !)

بتقول فيه :

[أنا صاحبة مشكلة ساعدوني ، أنا مش عارفة أقول إيه بجد؟ كل كلمة قولتوها عندكم حق فيها ! للأسف وبالصدفة إكتشفت معدن الإنسان ده !!! واحدة صاحبتي جت حكّت ليا عن واحد بيحبها ؛ **< والمفاجأة الكبرى** إنه يطلع نفس الإنسان اللي بيحبني !! وقايلها نفس الكلام اللي قالهولي وعازيز يتقدم لها برده !!



ربنا في كل ثانية يارب ساعدني إني أوصل للطريق الصح ، أنا عازي اكم تدعولي بالله عليكم]

❖ ردينا عليها وقولنا لها :

- إستمرارك في الكلام معاه ماينفعش وكده إنتي بتغضبي ربنا ! ولو عازيز يتقدملك ، ممكن توصليله نمرة تليفون والدك عن طريق والدتك ، بس لازم تقطعي أي نوع من التواصل معاه من دلوقتي !

❖ وبعدها بكام يوم بعثت وقالت :

[أنا صاحبة مشكلة ساعدوني ، أنا إديته اسمي بالكامل والعنوان وقاله إنه إياه لباباه علشان يسأل علينا ، أنا قعدت أدعي ربنا كتير قبل ما أديهوله بس والله أنا عملت كده علشان ربنا يرضي عني علشان أنا عارفة إني كده ماشية في الغلط ! وأهو يعني يحاول في التقليل في الكلام معاه على قد ما أقدر ، وسبحان الله ربنا بيساعدني في كده لإما جهازه يبوظ لإما أنت ببفصل، الحمد لله ربنا يحفظني ويحميني من أي شر ، ادعولي]




❖ أي بنت لسه عندها إستعداد

تستمر في علاقاتها مع الشاب اللي

بتحبه بعد ما شافت الكلام اللي فات

ده كله هتبقى "....."

هسيبكم أنتم تحموا بنفسكم عليها !



- سبتله رسالة قولتله حسبي الله ونعم الوكيل فيك وكلام كله دعا عليه ! لقيته رد عليا بيقولي أنا منكش إني كنت معجب بيكي وبحبك ، بس أنا إتعلقت بيها ومكنتش عارف أقولك إزاي ؟ إنتي كده ضيعتيها من أيدي لأنني كنت بحبها !!

- للأسف قاللي الكلام ده وحتى مش هان عليه كرامتي ولا مشاعري وإني إنسانة وبحس برده ! أنا عارفة إن دي رسالة من ربنا علشان أفوق !!

والحمد لله إن ربنا أنقذني من إنسان كان هيبعدني عن ربنا وكان هياذيني !! أنا من ساعتها وأنا بحمد ربنا ، يمكن الصدمة صعبة عليا ؛ بس إتعلمت كتير أووووي المرة دي ! وأنا قفلت الإيميل خالص ومسحت اسمه من الفيس بتاعي وعمري ما هكلم شباب تاني أبداً ..

بجد أنا بحبك أوي ، وربنا يخليكم ليا ..

وأنا آسفه إني طولت عليكم ، ورسالتني لكل بنت :

❖ إوعي تصدقي أي شاب من علي النت

ويخدعك بالكلمات المعسولة !!



١ - لازم تاخدي قرار فاصل في حياتك
بترك الإنسان اللي بتحببه ..!

► **هتقولى :**

**طیب لو لسه پیدرس او مش معاه امکانات
ینه یترقم دلوقتی ؟ نعمل ایہ ؟؟؟**

هقولك :

[illegible]

الموضوع مش محتاج تردد...!!

انتی مترددة لیبییه ؟؟؟ خایفه من اییییییه ؟؟

• اوعى تكوني لسه عندك ولو ذرة إعتقاد
انك هنلاقي ذرة سعادة لو اسئمر بتي معاه؟؟

أصل أنا قلبي اتعلق بيه ومش قادرة أنساه !!؟؟؟

◀ إيه الحل لمشكلة الحب الأول؟؟؟

أنا مش قادرة أنسى أول إنسان حبيته وحاسه إني
مش هحب بعده تاني حتى لو اتجوزت !!!!!

◀ إيه الحل لمشكلة الحب من طرف واحد ???

أنا بحبه وهموت وأروح أصارحه بحبي له ؟؟؟!

◀ إيه الحل لمشكلة حب النت ???

مش قادرة مكلموش أو أبعد عنه ؟؟؟!!

◀ انه الحل لمشكلة حب الجامعة؟؟؟

أنا بحب زميلي ومش هقدر أسويه إطلاقاً
وخصوصاً إننا مع بعض في دفعة واحدة؟؟؟!

📢 **اسسسه الحل ؟؟؟**

هقولك : مفيش مشكلة إلا ولها حل بإذن الله ..
وتعالى نشوف بعض الحلول العملية لمشاكل الحب



👉 **رَبَّنَا أَهْلِكَ كَتَبْتِي بِبَابِ ر...**

ويسترك كتيبىيىير ..

ليه لسه مصممة إنك تكملی وتعصیه وتغضبيه ؟

اُقطعی عرق و سیبختی دم ...

♥ ياللا خدي القرار الشجاع .. القرار الوحيد
الى أقسم بالله عمرك ما هتندمي عليه أبداً !!!

♥ القرار اللي هيرجع الحياة لقلبك من جديد !!

« أنا عارف إن بعض القرارات ممكن تكون مؤلمة بالنسبة للناس كتير .. بس صدقيني ده ألم مؤقت .. وبعدها هتلاقى السعادة وراحة البال ..

« ساعات كثير الذكارة بيلجأوا لقطع جزء معين من الجسم لو إنتشر فيه المرض ؛ علشان مينتشرش في باقى الجسم .. قرار صعب وموالم .. بس لازم يتنفذ علشان انقاذ حياة المريض !!!

♥ ياللا إتشجعي وخدي القرار ..
وأنقذي قلبك قبل ما يفوت الأوان !

٢ - استعینی باللہ ربک ..

« محدش في الكون ده كله قادر إنه يطهر قلبك
ويخليكي تبعدي عن الشخص ده وتتسيه غير **ربنا**
بس إنتي أصدقني مع الله ولو مرة..! »

« النبي ﷺ يقول :

(إنما سمي القلب من تَقَلُّبه ؛ إنما مثل القلب
مثل ريشة بالفلاة تعلقت في أصل شجرة ، يُقلبها
الريح ظهراً لبطن)
صححه الألباني

♥ يعني قلبك أضعف مما تخيلي وعمرك ما
 هنقدري تتحكمي فيه !! وكل شوية هتشتكي إنك
 بتحنيله ومش قادره تنسي وقلبك بيجوعك ..
 والوحيد اللى قادر إنه يحفظ قلبك وبيتناك هو الله ..

« قال النبي ﷺ :

(إِنْ الْقُلُوبَ بَيْنَ إِصْبَعَيْنِ مِنْ أَصَابِعِ اللَّهِ

بقلبها كيف يشاء) صححه الألباني



« قومي بالليل وصلي وادعي ربنا إنه يرزقك نسيان الشخص ده .. ادعي ربنا إنه يطهر قلبك .. ادعي ربنا إنه يملأ قلبك بحبه سبحانه وتعالى .. ادعي ربنا إنه ينور قلبك وبصيرتك بنور الإيمان .. وربنا كريم .. ورحمته وفضله فوق ما يتصور أي مخلوق .. **ومستحيل هضيعك مهما حصل !!** »

♥ أصل ربنا أرحم بيكي من أبوكي وأمك ..
ربنا أرحم بيكي من أي حد في الدنيا دي كلها ..



الدعاء ثم الدعاء ثم الدعاء ☒ يبقى :

« متبطلش دعاء أبداً .. لأنك ضعيفة وفقيرة ومحتاجة لربنا في كل شئ في حياتك .. وربنا الكريم الغني الجواد اللي مستحيل هيردك صفر ..

« **وداومي على ذكر الله والإستغفار وقراءة القرآن ؛ علشان قلبك ينسى ويرتاح .. قال الله :**

(أَلَا بِذِكْرِ اللَّهِ تَطْمَئِنُّ الْقُلُوبُ)

الرعد: ٢٨



٣ - إقطعي كل حلقة وصل بينك وبين الشخص ده

« متسبيش وراكي أي خيوط ممكن تشدك وترجعك تاني للمعصية في أي وقت !! »

« **ليه** لسه الإيميل بتاعه عندك ومحذفتيوش ؟؟؟ »

« **ليه** لسه رقم موبايله عندك ومحذفتيوش ؟؟؟ »

« **ليه** لسه الرسائل بتاعته عندك على الموبايل وكل شوية تقعد تفتحيها وتقرأ فيها ؟؟؟ »

« **ليه** لسه الوردة اللي كان جايبهالك في الفلاتين محتفظة بيه عندك في الأجنحة ؟؟؟ »

« **ليه** لسه الهدية اللي كان جايبهالك في يوم ميلادك حطاها على المكتب عندك وكل شوية تبصليها وتسترجعي الذكريات ؟؟؟ »

إقطعي كل صلة بينك وبينه ..

« إقفل كل طريق ممكن الشيطان يدخلك منه »

ويزدرك بالماضي الأليم ويرجعك من تاني !! »

٤ - جددى نيتك في البعد عن الإنسان ده

« لازم تعرفي إنك سببتي الشخص ده علشان إنتي مش عايزة تغضبي ربنا .. »

« **مش علشان كرامتي إتهانت معاه !** »

« **مش علشان سمعتي بين زميلي و الناس !** »

« **مش علشان أظهر كبنت محترمة قدام الناس وفرصتي تزيد في الجواز !** »

☒ **إنّي سببته علشان رضا ربنا وبس !!**

« ومتخافيش .. النبي ﷺ قال :

(من ترك شيئاً لله عوضه الله خيراً منه)

صححه الألباني

♥ يعني كوني واثقة إن ربنا هيعوضك خير .. بس إنتي سببته علشان ربك ، وأبشري بكل خير ..



٩ - إبعدي عن أي حاجة تثير قلبك وتذكرك

« بلاش تقراي في روايات وقصص الحب والغرام .. متكلميش مع حد في الموضوع ده ، ولو حد فتحه إقفيه إنتي وقوللي للي حواليك إنك مش عاوزة تتكلمي في الموضوع ده تاني أبداااا ..

✓ وطبعاً مفيش داعي نقول إنك مش هتسمعي أغاني ولا هتتفرجي على أفلام ومسلسلات ؛ لأنها حرام أصلاً ، وهي أكثر حاجة هتقلب عليكى الجروح والمواجه !! وخصوصاً لما هتسمعي الأغنية اللي كان بيحبها أو كان عاملها كول تون أو الفيلم اللي شوفته مع بعض في السينما.. إلخ ..

« وكل ما تفكري في الموضوع ، فكري نفسك بكل الكلام اللي فات ده ، وفكري نفسك إنها مش نهاية الدنيا وإن اللي حصل ده خير ليكي ، ومتحاوليش تستسلمي أبداً للذكريات والحزن ، وقومي إعلمي أي حاجة مفيدة أول ما تفكري ، وأنسب شيء هو **إنك تقومي تصلي وتدعي ربنا ..**



٨ - غيّر صُبتك

النبى ﷺ يقول :

(**المرء على دين خليله**) حسنه الألباني

« ف طول ما إنتي ماشية مع صاحبك اللي لسه بتكلم حبيبها وكل يوم تحكيك عن اللي حصل ما بينهم والكلام اللي بيقلوه هتفتني **غضب عنك !**

♥ **دوري على صحبة صالحة** تاخذ بإيدك وتعينك على الطاعة وتثبتوا بعض بإذن الله .. هتلاقي البنات الكويسين حواليك في كل مكان .. في المدرسة ، في الكلية ، في المسجد .. هتلاقيهم ..

♥ ولو مش لاقية .. أدخلي على **منتدى أحلى حياة** وإن شاء الله هتلاقي الصحبة الصالحة على النت ..



١٠ - متلوميش نفسك كل شوية !!

« اللي حصل حصل وإنتهى ..

❖ **متفديش بقي** كل شوية تقولي ياريتني كنت عملت كذا !! ويارتني ما كنت عملت كذا !!!

« قولي : **قَدَّرَ اللهُ وما شاء فعل ..**

❖ والواحد بيتعلم من أخطاءه ، وهيفضل يتعلم لحد ما يموت !

❖ بس أهم شيء تعرفي **نقط ضعفك** .. وتسديها في وش الشيطان علشان منقش كل مرة !!



❖ وفيه نقطة مهمة جداً اسمها :

حراسة الخواطر

ومُلخص الكلام فيها ؛ إنك متسيبش الحبل لأفكارك إنها تقعد تروح وتيجي بيكي وتوديكي يمين وشمال - **يعني بلاش أحلام اليقظة والسرمان الكثير ..** وأول ما أي خاطرة تيجي في بالك إستعيزي بالله ..

قال الله تعالى :

(إِنَّ الَّذِينَ اتَّقَوْا إِذَا مَسَّهُمْ طَائِفٌ مِّنَ الشَّيْطَانِ تَذَكَّرُوا فَإِذَا هُمْ مُبْصِرُونَ) الأعراف: ٢٠١

« والنقطة دي أهميتها في إنها **بتقفل كل باب شر الشيطان بيفتحه عليكى ..** أصله لا يملك عليكى سلطان إلا الوسوسة وتزيين المعاصي ..

« **ف حاسبي على أفكارك وأحرسها ؛** لأن الخاطرة بتتقلب إلى فكرة ثم إلى إرادة ثم إلى عزيمة ثم إلى فعل !!!..



«اللى منتظرة الجواز علشان تلتزم :

هنقولها خديها قاعدة ؛ موضوع إنك تنتظري شىء يصلح علاقتك برينا سواء الشىء ده نعمة أو شخص أو حاجة تحصل فده من وسوسة الشيطان للتسويق ! وكثير جداً من الناس كان بيظن إن حاجة معينة لو حصلت هتقربه من ربنا ، فيحصل العكس وتكون أكبر فتنة له وسبب بعده عن ربنا!! فيه ناس متفتنتش إلا لما ربنا رزقها بالمال !! وفيه ناس اللي فتنها وضيعها كان الزواج !!

«علاقتك برينا إفصليلها تماماً عن

أي ظروف وأي حاجة فى الدنيا ..



١١ - توكل على الله فى موضوع الزواج

«متشيليش نفسك الهمة وتقضى حياتك قاعدة

منتظرة العريس اللي هييجي ويدق الباب !

«إحنا إتفقنا خلاص إن كل شىء **مقدر و مكتوب** وإن الرزق بيجري ورا الإنسان زي ما الموت بيجري وراه ! ورزقك هييجلك هييجلك !

«فنصيحتي ليكي يا أختي :

مئوقفيس حيانك على عريس !!!



«واللى منتظرة الزواج علشان يبقى لها دور وتحس إنها نجحت فى حياتها :

«هنقولها :

هو إنتي عايشة فى الحياة علشان تتجوزي

وتخلفي وتربي العيال ؟؟؟

- طيب فرضاً مفيش جواز ومفيش عيال ،

يبقى إنتي كده ملكيش لازمة فى الحياة !!

☑ **متشيليش الهمة ، وعيشي كل لحظة فى حيانك**

واسلمنعي بيها فى طاعة ربك ..

« لعل ربنا مقدرلك إنك تنفرغي لشىء أكبر ، ولعل الفترة دي تكون فرصة ليكي إنك تتعلمي دينك وتعرفي ربك وتحفظي القرآن قبل ما تتشغلي بالجواز ..!



«واللى منتظرة الجواز علشان تبقى سعيدة :

هنقولها ؛ ومين قالك إنك هتكوني سعيدة بالجواز؟ السعادة والشقاء دي حاجة فى علم الغيب عند ربنا! «وليه تأجلي سعادتك وتعيشي مش سعيدة لحد ما تتجوزي؟ إيه اللي مانعك تكوني سعيدة دلوقتي؟

ومين قال إن السعادة = أسباب مادية ؟؟!

► بصي حوايكى هتلاقى ناس معاها كل حاجة من أمور الدنيا ؛ فلوس وعربيات وقصور ولكنها مش سعيدة بالمره ! والعكس موجود ..!

► **إوعي تنتظري حد أو شىء يسعدك وخلي سعادتك من جواكي عن طريق صلتك بربك ..**





✓ وعلشان كده كان اللي هيصبر وهيئبت في الزمن ده له أجر عظيم جدا.....

قال رسول الله ﷺ :

(إن من ورائكم أيام الصبر، الصبر فيهن مثل القبض على الجمر ، للعامل فيهن مثل أجر خمسين رجلا يعملون مثل عمله ، قيل يا رسول الله : أجر خمسين رجلا منا ؟؟ أو منهم ؟؟ قال : بل أجر خمسين منكم) صححه الألباني

❖ مش عايزة ننالي شرف الغربة؟؟!

« قال رسول الله ﷺ :

(بدأ الإسلام غريباً ، وسيعود كما بدأ غريباً؛ فطوبى للغرباء) رواه مسلم

« يعني لازم تحسي بالغربة زي الغربة اللي عاشها الصحابة في بداية الإسلام وهما عايشين وسط الجهل والكفر والمعاصي حواليهم في كل مكان ، الإسلام دلوقتي أصبح غريب زي ما بدأ .. فلازم اللي يتمسك بيه يوصل له شعور الغربة ده..



١٢ - الصبر والثبات

« الزمن اللي إحنا فيه زمن **صعب أووووووي**..

والفتن خطافة ويتشد الإنسان من كل الجهات !!.. وعلشان كده الرسول ﷺ شبه المتمسك بالدين في الزمن ده بتشبيهه مفيش أبغ منه .. قال رسول الله ﷺ :

(يأتي على أمتي زمان ، الصابر فيهم على دينه كالقابس على الجمر) صححه الألباني

تخلي واحد بقى ماسك قطعة نار في إيده؟؟!



✓ لازم شعور الغربة ده يكون ظاهر عليك في كل حياتك وكل تصرفاتك.. في لبسك ، في كلامك، في مشيتك ، في ركوبك المواصلات ، في وقوفك في الجامعة .. في كل حاجة ..

❖ ومهما الناس قالوا عليك متشددة و معقدة و من العصر الحجري و عصر ليالي الحلمية ؛

مش يهملك ولا يحرك شعرة فيكي !!

إنتي وثيقة مليون % إنك إنتي اللي صح !

مبغركيش كثرة الباطل وأهله !

« قال الله تعالى :

(وَإِنْ تُطِعْ أَكْثَرُ مَنْ فِي الْأَرْضِ يَضِلُّوكَ)

عَنْ سَبِيلِ اللَّهِ (الأنعام: ١١٦)

✓ إثبتى يا مؤمنة يا غالية ..

الدنيا كلها مهما طالت فهي قصيرة وتهدي .. والأخرة هي الباقية ..

والعاقل اللي يختار الباقي على الفاني !!..



♥ يعني إيه "طوبى للغرباء " بقى ؟؟

طوبى : اسم شجرة في الجنة ..

وقيل : معناها فرحة وقرعة عين لهم بإذن الله ..

« **اللي الرسول ﷺ عايز يقولها لك ؛ إن مهما كانت البيئة اللي حواليك كلها معاصي وفتن ، لازم تصبري وتسألني الله الثبات ..**

« يعني :

« البنات كلهم بيحبوا ومصاحبين ؛

بس إنتي غيرهم!

« البنات كلهم لابسين بديها وبناطيل ؛

بس إنتي غيرهم!

« البنات كلهم بيخرجوا ويطلعوا رحلات مختلطة ويسمعوا أغاني ؛

بس إنتي غيرهم !!

❁ إنني حاجة ثانية

بتمسكك بدينك وعفلك وحياءك



١٥ - لو عندك أي مشكلة أو إستفسار ..

♥ أدخلني على منتدى :

" أحلى حياة في طاعة الله "

" www.goodwayinlife.com "

وسجّلي بأي اسم مُستعار .. وهتلاقي بنات زيّك
هما اللي هيردوا عليكى ويتواصلوا معاكى علشان
ياخدوا بأيديك لبر الأمان ، وتقربّي من ربنا أكثر
وأكثر بإذن الله ..



❖ شوية صبر يا أختي ..

❖ شوية صبر علشان طريق الجنة مش سهل ..
الطريق كله فتن وشهوات بتشدك من جميع
الجهات .. قال رسول الله ﷺ :

(حَفَّتْ الجنة بالمكاره ، وَحَفَّتْ النار بالشهوات)

متفق عليه

☑ الطريق صعب ؛ ولكن زي ما قال النبي ﷺ :

(وإنه ليسيرٌ على من يسره الله عليه)

صححه الألباني

☑ آه هتتعي شوية في الأول ؛ وهتحسي إنك
هتмотي وتكلميه وممكن تبكي وتزعلي ، بس
لازم تعرفي إنك ماشية على روضة علاج ،
ولازم تكملّيها للآخر علشان تجيب نتيجة ، ولو أي
حاجة حصلت وإنتي في رحلة العلاج ؛ لازم
تصبري وتكملي الدوا علشان ترتاحي بعد كده !



❖ وقوليها بأعلى صوتك :

أنا غالية و مش رخيصة !!

♥ وقلبي ملك ربي ،،

♥ وحبّي لله أكبر من أي شئ في الكون ،،

☑ ومن دلوقتي هقطع علاقتي بأي شاب ،
وهنزل أشتري لبس واسع فضفاض يرضيك يارب
ومش هعصيك تاني أبداً يا حبيبي يا الله ..



✍ وفي الختام ..

❖ عايز أقولك :

☼ إنتي أرق من إنك تجرحي حياءك !

☼ إنتي حد كله حنان ..

كله رقة ..

كله طيبة ..

كلك مشاعر بجد ..

مشاعر جميلة وعاطفة مُرّفة ..

**بلاش تخلي مشاعرك في الأرض وكل واحد
يدوس عليها شوية !!**

بلاش قلبك يُستهلك في حاجة إنتي عارفة نهايتها
كويس !!

بلاش تدمري مشاعرك وأحاسيسك ..

وتفرطي فيها في طريق يغضب ربنا ..

واحتفظي بيها لزوجك في الحلال ..



كلمات أجمرت من ميناء قلبي ..
 فاسمحي لها أن ترسو على شاطئ قلبك ..
 كتبت لها وقلبي يعتصر ألماً عليك !!
 فأنا أخوك .. ووالله إنني أخاف عليك ..
 فاصبري أخنأه ..
 وموعدا حوصه النبي ﷺ يآذن الله ..
 أخوك / د. مصطفى زايد

